

儀

禮

恒

解

儀禮恆解卷十三

雙江劉沅輯註

士虞禮

未葬則柩在朝夕設奠如生既葬而返卽于是日爲虞祭以安神以體魄既歸于土神不可以一日無依以神道祀之故爲吉祭之始

特豕饋食饋巨位反食音嗣

御案饋食士大夫吉祭之名以虞易奠爲自凶卽吉之始故放饋食之禮行之

側亨于廟門外之右東面魚腊饔亞之北上饔饔在東壁西面設洗于西階西南水在洗西筐在東尊于室中北墻下當戶兩甒醴酒酒在東無禁冪用絺布加勺南枋亨音烹饔玩措反饔昌志反冪迷釋反枋

同柄

側烹烹一胖不全烹也門右門西也吉禮在門東此不用全吉禮炊黍稷曰饔設洗于西階西南亦異于吉禮洗當東榮也凡設洗水在外篚在內設洗在西以主人仁于西階上也敖氏繼公曰祭而尊于室中且用一體一酒皆異于吉也醴酒並用者醴以饗神酒以飲尸亦未甚變于奠兩罍西上亦以神席在西也尊之所上吉凶同土吉祭用絺此用絺

素几葦席在西序下苴刈茅長五寸束之實于篚饌于西牀上

饌兩豆菹醢于西楹之東醢在西一鉶亞之從獻豆兩亞之四

邊亞之北上苴子于反後同刈七本反長直亮反

苴猶藉也所以藉祭以其用而名之菹右醢左陳于神前鉶以盛豕也豆邊云從獻者以具先獻而後薦也兩豆亞之菹在鉶西醢在鉶東四邊亞之各繼所陳也

饌黍稷二敦于階閒西上藉用葦席匱水錯于槃中南流在西

階之南簞巾在其東陳三鼎于門外之右北面北上設局鼎七

俎在西塾之西羞燔俎在內西塾上音順敦音對藉集益反匱

同簞音丹局居
營反鼎迷翼反

藉用葦耳席字疑衍以匱盛水爲尸設盥也流匱吐水口也
熟牲而升于鼎設于門西先設鼎乃設局而云局鼎文順耳
七在俎上西塾之西蓋爨北燔炙肉也日羞者言其
非正俎南順執俎者以俎之上端鄉外下端自鄉也

右陳饌具

主人及兄弟如葬服賓執事者如弔服皆卽位于門外如朝夕
臨位婦人及內兄弟服卽位于堂亦如之

葬服丈夫髻散帶垂弔服疑衰素冠麻經帶賓執事賓客來
執事者朝夕臨位主人兄弟在門外東方賓執事者在西方
婦人及內兄弟亦如臨位

祝免澡葛經帶布席于室中東面右几降出及宗人卽位于門

西東面南上免音問
操音早

祝親祭祀之事爲敬神故免而
葛經帶澡治也治葛葛之細者

右門外位

宗人告有司具遂請拜賓如臨入門哭婦人哭主人即位于堂
眾主人及兄弟賓即位于西方如反哭位祝入門左北面宗人
西階前北面

請請行祭祀拜賓如臨旁三拜也祝不與執事者
同位接神尊也宗人當詔主人以禮故近主人

右門內位

祝盥升取苴降洗之升入設于几東席上東縮降洗解升止哭

古文縮
爲蹙

御案苴有首尾以首近神而尾鄉東縮順
也止哭爲將祭前此主人主婦哭可知矣

主人倚杖入祝從在左西面贊薦菹醢醢在北佐食及執事盥

出舉長在左長知
丈反

虞杖不入于室故倚杖門外而入贊者薦菹醢佐食者又執事者盥而後出舉鼎長者不舉鼎在西方位

鼎入設于西階前東面北上七俎從設左人抽局鼎七佐食及右人載卒杞者逆退復位簋設于豆東魚亞之腊特贊設二敦于俎南黍其東稷設一鉶于豆南佐食出立于戶西贊者徹鼎

杞七通今文無之字無于戶西

敖氏繼公曰從設從鼎入而設之左人抽局予左手取鼎委于鼎北加局乃執七而七惟言抽局鼎七省文耳復位復賓位俎南豕魚二俎之南其東稷者簋實以黍爲尊故黍西而稷東惟設一鉶殺于吉禮佐食者既設俎出而立于戶西贊者徹鼎反于門外

祝酌醴命佐食啟會佐食許諾啟會卻于敦南復位祝奠解于鉶南復位主人再拜稽首

會敦蓋也祝先酌醴命佐食者啟會佐食者諾而啟會復其戶西之位祝奠解畢復位于主人之左主人稽首以祭神當

以吉拜也

右設饌

祝饗命佐食祭佐食許諾鉤袒取黍稷祭于其三取膚祭祭如初祝取奠饌祭亦如之不盡益反奠之主人再拜稽首祝祝卒主人拜如初哭出復位又反下祝之

饗告神以饗有解焉鉤袒鉤其衣而露臂三三祭之也每一祭畢則反取之取膚祭亦然祝取奠饌祭于其亦三不盡三祭不盡其醴既祭更酌而益之乃反奠于故處祝誦辭以達孝子之意復位主人復西序東面之位以事神禮畢迎尸未也至

右饗神

祝迎尸一人衰絰奉篚哭從尸尸入門丈夫踊婦人踊淳尸盥宗人授巾尸及階祝延尸尸升宗人詔踊如初尸入戶踊如初

哭止婦人入于房

衰七回反奉芳勇反淳章倫反

一人主人兄弟無兄弟則以子若昆弟之子爲之尸入門主人丈夫先踊婦人次之淳沃也賓執事者沃尸而盥延進也告之以升尸升宗人詔主人踊如初主婦亦踊也入戶亦詔踊如初哭止將有事也祭禮婦人當于房故尸入哭畢而入此于

右尸入

主人及祝拜妥尸尸拜遂坐從者錯篚于尸左席上立于其北尸取奠左執之取菹擗于醢祭于豆閒祝命佐食墮祭佐食取黍稷肺祭授尸尸祭之祭奠祝祝主人拜如初尸嘗醢奠之佐食舉肺脊授尸尸受振祭嚼之左手執之祝命佐食邇敦佐食舉黍錯于席上尸祭鉶嘗鉶

安吐火反從才用反擗如員反墮呼規反祝祝下祝之又反嚼才計

反

安安坐也吉祭尸不拜此異籩以盛尸之饌尸右手取奠于左手執之爲右手將有事也墮墮下也凡祭皆手舉之鄉下祭之祝祝誦饗神之詞也肺脊二物尸皆振祭而嘑之肺當絕之以祭而尸不爾者蓋佐食者先絕之以授尸也邇近也祭鉶以柶祭鉶蓋用右手

泰羹清自門入設于鉶南載四豆設于左尸飯播餘于籩三飯佐食舉幹尸受振祭嘑之實于籩又三飯舉胙祭如初佐食舉魚腊實于籩又三飯舉肩祭如初舉魚腊俎俎釋三个尸卒食佐食受肺脊實于籩反黍如初設

清去及反載側吏反飯父返反下同胙音格

泰羹肉之汁清則有肉之汁載切肉御案菜羹鉶之正泰羹其加也菹醢二豆之正載四豆其加也有正有加祭禮也泰羹清自門入羹在門外新自羹來欲其熟也設于左不言所上四豆一物也飯食之飯餘不可反于敦棄于席故播諸籩魚腊一魚及腊胙也尸不食魚腊以喪不備味也周人貴肩舉肩以要其成佐食者舉魚腊俎而實之于籩每俎各釋三个釋猶遺也个枚也尸九飯而卒食不告飯祝不侑食每食播其餘蓋喪異于吉且死者初享祭不忍下咽之意

右尸食

主人洗廢爵酌酒醑尸尸拜受爵主人北面答拜尸祭酒嘗之
賓長以肝從賓于俎縮右鹽尸左執爵右取肝搗鹽振祭齊之
加于俎賓降反俎于西塾復位尸卒爵祝受不相爵主人拜尸

答

手丈反相息亮反
酳古文作酳長知

爵無足曰廢酳安食也主人於尸爲子孫尸豈拜之乎此禮
爲不通縮賓肝炙于俎其右鹽尸左手執爵右手取肝搗鹽
提肝以祭復位賓長也謂復西階前眾兄弟
之南東面位相爵吉禮祝有辭以相此異

右主人酳尸

祝酌授尸尸以酳主人主人拜受爵尸答拜主人坐祭卒爵拜

尸

答拜酳才各反
本一作酢

酳報也尸無降席之禮故祝
爲酳之主人卒爵尊神惠也

右尸酢主人

筵祝南面主人獻祝祝拜坐受爵主人答拜薦菹醢設俎祝左執爵祭薦奠爵興取肺坐祭臠之興加于俎祭酒嘗之肝從祝取肝搗鹽振祭臠之加于俎卒爵拜主人答拜祝坐授主人今

無搗

設筵以禮祝爲其接神故獻之于醕尸獻尸後不洗而獻焉下于尸也祝既受爵主人乃反西面位答拜御案興取肺者變于尸尸則佐食絕而授之祝則自取而絕之興加于俎者既興取之則不宜坐加之也敖氏繼公曰祭薦右手以菹搗醢祭于豆鬲先奠爵乃取肺以祭離肺用二手也肝從亦賓長也左執爵取肝亦同于尸

主人酌獻佐食佐食北面拜坐受爵主人答拜佐食祭酒卒爵拜主人答拜受爵出實于篚升堂復位

獻佐食以其助祭不設席薦俎設于階間而不在室又無從佐食卑也篚在庭主人升堂復位不復入室以其事畢也

右主人獻祝與佐食

主婦洗足爵于房中酌亞獻尸如主人儀自反兩邊棗栗設于會南棗在西尸祭邊祭酒如初賓以燔從如初尸祭燔卒爵如初

主婦主人之婦爵有足次于男子自反自往取之而反不使宗婦亦異于男子棗在西聚美尚之也初謂主人之餽賓子弟之執事者或以主婦爲死者之妻然本文之儀亞于主人且母尊于子虞以安神子之職也

右主婦亞獻

酌獻祝邊燔從獻佐食皆如初以虛爵入于房

敖氏繼公曰皆皆獻祝以下四事古凡祭皆夫婦親之况虞祭哀親而祭以安其靈夫婦親之者宜也若母亞獻不特母尊不宜後子且父沒家政盡屬于子夫正乎外婦正乎內自此以後凡祭母皆不與則疏言主人之婦者不可易矣

右主婦獻祝佐食

賓長洗纒爵三獻燔從如初儀

纒於力反

鄭康成曰纒爵口足之間有篆文虞之賓半有服者故亦當獻尸獻祝獻佐食其長者一人爲之

右賓長三獻

婦人復位祝出戶西面告利成主人哭皆哭

尸將出則神將去矣于是婦人復堂上西面位祝出戶告主人以禮成主人哭有服者皆哭利猶順也謂孝子以此安親而親順之也易曰利者義之和

右祝告禮成

祝入戶設從者奉篚哭如初祝前尸出戶踊如初降堂踊如初

出門亦如之

讓疏屋反古文或爲休

讓起也祝入而尸起前衰經從尸之一人奉篚哭而從尸祝前導尸出踊如初丈夫先婦人後也

右尸出

祝反入徹設于西北隅如其設也凡在南牀用席牀音非反

祝反入徹神前之饌改設于西隅如奧中東面設之儀人子欲其親之常在室此祭本以安神故于此安之也故用几席于幽隱之處

右改設以安神

祝薦席徹入于房祝自執其俎出贊闔牖戶主人降賓出主人出門哭止皆復位宗人告事畢賓出主人送拜稽顙

祝命徹薦席執事者徹之入于房初自房來也贊者闔牖戶鬼神尚幽闇也宗人詔主人降賓出廟門主人亦出門位門外未入時之位賓去主人于門外拜送稽顙喪禮也

右事畢

記

經文所未備記者復詳之

虞浴不櫛陳牲于廟門外北首西上寢右日中而行事殺于廟門西主人不視豚解

浴以致潔不櫛不飾也言牲腊在其中寢右升左胖而寢其右也凡祭皆用質明虞用日中以葬事晏也主人視牲而不殺視

羹飪升左肩臂臠肫骼脊脅離肺膚祭三取諸左臠上肺祭一實于上鼎升魚鱠鮓九實于中鼎升腊左胖髀不升實于下鼎皆設局第陳之載猶進柢魚進髻

音付髀步禮反又必爾反箸渠之反今文柢爲臠

羹飪肉羹熟之臂臠臂肉肫全也肫骼全骨也脊脅正脊正脅離肺已絕之肺臠肫肉也膚肺言祭竝言其用也按此肩也臂臠也肫骼也脊與脅肺與膚是爲七也而前人以臠肫爲各一物然臠卽臂肉肫而類也音純則訓全用魚以九腊體五骨二柢本也箸背也喪奠于牲則進柢魚則進髻不忍異于生也今虞祭猶然

祝俎髀脰脊脅離肺陳于階閒敦東脰音豆

祝俎祝之俎也祝俎不升于鼎陳祝饌于神饌之東統于神也

右記牲鼎俎實

淳尸盥執槃西面執匱東面執巾在其北東面宗人授巾南面主人在室則宗人升戶外北面佐食無事則出戶負依南面淳章

純反依于豈反

槃以盛棄水主人入室則宗人當詔室中之事故升堂依同辰屏風也主人在室佐食無室中之位則出戶負依而立敖氏繼公曰自天子至于庶人皆有依惟天子則飾以斧形耳

右記執事者面位

鉶芼用苦若薇有滑夏用葵冬用菹有杞豆實葵菹菹以西羸醢醢音九古文苦為枯今或作芾羸力禾反

苦苦菜云若薇者因其時而用之苴莖類乾則滑夏秋用生葵冬春用乾苴擇擇佳者

右記銅豆遷寶

尸入祝從尸尸坐不說屨尸謖祝前鄉尸還出戶又鄉尸還過主人又鄉尸還降階又鄉尸降階還及門如出戶尸出祝反入門左北面復位然後宗人詔降

說他活反鄉許亮反還音旋

敖氏繼公曰祝始出迎尸先行入門及尸入祝乃居後從之不脫屨敬也尸起祝前行鄉尸而後導之出祝還出戶還過主人還降階有事之時皆鄉尸祝主祭事尊尸當然也如出戶亦鄉尸必俟祝送尸而反復位然後宗人詔主人降不敢遽弛其敬也

右記祝相尸之節

尸服卒者之上服男男尸女女尸必使異姓不使賤者

死者之服爵弁服也男以男爲尸使適孫無適乃使庶孫女以女爲尸必使嫡孫妻無適使庶孫妻異姓孫妻皆異姓賤

謂孫妾吉祭惟有男尸無女尸
陰統于陽也惟文喪則立女尸

右記尸服及爲尸者

按古人爲尸以象神蓋取如見之意然形未必肖則事之者
意已先離後世用主而以潔誠通幽合漠既不囿于形則心
專于倣見儼聞是亦後人之制優于前人
者也學者必拘拘執古法以爲美失之

無尸則禮及薦饌皆如初既饗祭于苴祝祝卒不綏祭無泰羹
消載從獻主人哭出復位祝闔牖戶降復位于門西男女拾踊
三如食閒祝升止哭聲三啟戶主人入祝從啟牖鄉如初主人
哭出復位卒徹祝佐食降復位宗人詔降如初祝祝下祝之又
反綏當爲墮今

文啟爲開
鄉許亮反

鄭康成曰無尸謂無孫列可使殤亦是禮謂衣服卽位升降
既饗祭苴祝卒則其儀同綏祭以下四事皆爲尸而設無尸
則無此祝祝卒無尸可迎既無上四事主人遂卽哭出復戶
外東面位也拾更也三更踊祝闔牖戶如食閒象神食也

御案無尸則不行三獻禮主婦與賓皆不入故于將徹時主人又入以致其敬若親送之者然鄭康成曰聲者意欲也將啟戶警覺神也主人入而祝從啟牖鄉謂鄉明也

右記無尸之儀

按神處于幽而孝子與親一體視無形聽無聲不啻親之常在也故曰事死如事生事亡如事存豈以尸為別哉此記無尸則殺其禮于天理人情俱不合須知聖人時中之道不必盡襲古人後世無尸優于有尸矣

始虞用采曰曰哀子某哀顯相夙興夜處不寧敢用絜牲剛鬣香合嘉薦普淖明齊淖酒哀薦祫事適爾皇祖某甫饗

亮反齊才計反淖所求反今文祫作合

葬日而虞因其柔日曰祝祝之辭也喪祭稱哀顯相助祭者咸有服故竝稱之夙夜不寧述哀情也采曰剛鬣香合言合馨香以祭非謂黍稷普淖黍稷普淖黍稷普淖大淖和也黍稷五穀之貴大能和五臟也明齊醴也淖酒酒也祫合也以其祭而將附于皇祖故謂之祫事遠安也饗祝其饗也

再虞皆如初曰哀薦虞事三虞卒哭他用剛日亦如初曰哀薦成事

再虞如丁日葬則己日再虞虞度也哀薦虞事言己哀思之誠不敢必神之饗與否再三虞度而復祭也三虞則禮已成故曰成事他別也別用剛日陰靜而陽動用柔日以順其死用剛日以祝其如生人子之心也

右記祭日與祝辭

獻畢未徹乃饒尊兩甌于廟門外之右少南水尊在酒西勺北枋洗在尊東南水在洗東筐在西饌籩豆脯四脰有乾肉折俎二尹縮祭半尹在西塾尸出執几從席從尸出門右南面席設于尊西北東面几在南賓出復位主人出卽位于門東少南婦人出卽位于主人之北皆西面哭不止尸卽席坐唯主人不哭洗廢爵酌獻尸尸拜受主人拜送哭復位薦脯醢設俎于薦東

胸在南尸左執爵取脯擣醢祭之佐食授噲尸受振祭噲反之祭酒卒爵奠于南方主人及兄弟踊婦人亦如之主婦洗足爵亞獻如主人儀無從踊如初賓長洗纒爵三獻如亞獻踊如初佐食取俎實于篚尸謨從者奉篚哭從之祝前哭者皆從及大門內踊如初尸出門哭者止賓出主人送拜稽顙主婦亦拜賓大夫說經帶于廟門外入徹主人不與婦人說首經不說帶集

彥反音賤庭徒頂反又他頂反乾音干胸其俱反長知丈反

三虞後乃餞尸以其將祔廟也亦設尸尸席設于門外右南面婦人亦出餞尸既餞尸入門象辭其家而出主人稽顙拜送主婦拜賓拜女賓也賓有大夫則說經帶于廟門外婦人五服之親者亦賓也

右記卒哭祭後餞尸

按主祔于廟以安神且統于祖也而必餞之豈人子以親既歸廟平日倭見愴聞必入廟而後然乎夫父母與人子一氣

視無形聽無聲未嘗一息相離也故曰孝子者非終父母之身終其身也周末文勝務爲繁縟此禮亦其時人爲之恐非先王之制也

無尸則不饒猶出几席設如初拾踊三哭止告事畢賓出拾其劫反

設几席如生哭踊以哀其離是也亦何必用尸豈尸不在而神遂不在乎

右記無尸不饒之法

死三日而殯三月而葬遂卒哭

士禮如此葬而虞祔乃卒哭蓋親已祔廟若時時哭恐轉致親之不安也不然父母之喪哀慟之誠無分貴賤天子以下葬日遲卒哭亦遲人子慟親之心以名位尊卑而分不通孰甚又大夫亦三月而葬乃五月而卒哭其禮亦爲不通

將旦而祔則薦卒辭曰哀子某來日某隋祔爾于爾皇祖某甫尙饗女子曰皇祖妣某氏婦曰孫婦于皇祖姑某氏其他辭一也饗辭曰哀子某主爲而哀薦之饗明日以其班祔

卒哭之夕薦者尙未祔則人子不可廢薦獻之禮然則上文
餽禮爲多設矣祝告神以將祔明人子不得長依膝下之義
非謂餽之義也隋升也尙庶幾也他辭卽隋祔之辭補記
饗辭亦祝祝之主潔也班昭穆之次以其主祔于廟按祔主
于廟先儒謂既祔主復于寢以便人子日上食或謂祔虞主
復設新主除喪服遷新主于廟埋舊主紛紛曲說皆拘于此
書也自適士以下無廟其主安得不在于寢自適士以上有
廟者其主安得不祔于廟主者所以妥親之靈廟有主寢又
有主神果何依故主雖祔廟而人子朝夕哀敬事之如在室
孝思至誠親未必不饗之矣必定有主也且如主返于寢之
說此記所言餽禮亦奚用之要之有廟者主祔廟無廟者主
在寢此一定之禮喪禮將葬祔祔廟而後行據周制祖廟必
于宗子則去廟遠者將奈何蓋其時人家之與皆謂之廟以
其爲祭五祀之所祔廟者辭此耳後世無廟者祀主于寢朝
夕憑依于禮甚便可知古制于今斷不可行
而儒者必區區爭辯豈非不達于時中乎

沐浴櫛搔翦用專膚爲折俎取諸脰臠其他如饋食用嗣尸曰
孝子某孝顯相夙興夜處小心畏忌不惰其身不寧用尹祭嘉
薦普淖普薦漶酒適邇皇祖某甫以隋祔爾孫某甫尙饗
搔當爲爪

食音嗣相息亮
反渡師優反

沐浴櫛剪爪以祔廟則神事之從去也專厚也折俎取諸脰
醢不分左右皆用之其他敖氏繼公曰謂陳設之位與事神
事尸之儀及執事者嗣尸即用虞祭之尸尹祭
脯也嘉美普大也並祭皇祖故並視之以饗

右記祔

期而小祥曰薦此常事又期而大祥曰薦此祥事中月而禫是

月也吉祭猶未配

禫大威反

御案小祥卽練祭也以一暮而言則曰小祥以三年服者
變除而言則曰練其實一也祥吉也小者稍稍變吉常事天
道一周禮當祭事故曰常大對小而言二十五月而大祥喪
當三年而二十五月者人子于親罔極難報豈以三年而畢
其情乎但禮以節情故服以二十四月有奇期久矣丹期則
更久又以一月爲三年之始明禮有限而思無窮也後儒不
識此意因中月之說加爲二十七月實爲無義中月閒月也
二十五月之後再半月卽禫祭配祭者之妻也凡吉祭必夫
婦親之而禫月因限于禮服除而哀親之
意未忘如此月內有吉祭不以其妻同祭

總論喪祭之禮非以爲文而已哀慕之誠不能無所將之凡備
物備儀一切皆所以達其哀與敬而已周末文勝無其本而
徒飾其儀故孔子曰喪與其易也寧戚子游曰喪致乎哀而
止聖賢皆因時俗務文力矯其非此書所記半多繁文縟節
而解者又多爲之說且卽其據文解義者猶多不合愚故節
取前人務于簡明聽明者之自擇焉

儀禮恆解卷之十三終

儀禮恆解卷十四

特牲饋食禮

按王制禮器天子七廟諸侯大夫士以次而降士惟一廟祭法則云適士二官師一于是先儒以爲有廟廟程子又謂士得及于高祖蓋高曾祖人所恆逮事及而無祭于心理不安也此篇第言祭祖之儀而不及禰他更無論竊以義推之自士以上有廟者因其有位于朝祭禮必較隆而凡士以下報本追遠之心則無殊于貴者也則春秋時祭及薦新亦必于其寢奧爲之特不及有廟者之儀物豐隆耳所謂適士二廟蓋父爲大夫或士而其子復爲士賢之故更立禰廟則祭祖及父子廟而高曾則祭于家禮自可並行不悖此篇獨記祭祖之儀而禰亦當如之至無廟者殺之亦必有明文特經不傳耳

特牲饋食之禮不誣曰食音嗣誣子須反

特牲一豕也饋食者事死如生饋之以食自天子以下皆有饋食禮但天子諸侯有室中二祿及堂上薦血腥之禮大夫

無此而牲少牢黍稷四敦土無之故但云饋食禮諷也大夫以上預前十日與臣諷日士卑服公事時多不能自如則于開暇時乃筮日而祭筮亦諷也而云不諷謂不先旬而諷耳

及筮日主人冠端玄卽位于門外西面子姓兄弟如主人之服立于主人之南西面北上有司羣執事如兄弟服東面北上席于門中闔西闔外筮人取筮于西塾執之東面受命于主人宰自主人之左贊命命曰孝孫某筮來日某諷此某事適其皇祖某子尙饗筮者許諾還卽席西面坐卦者在左卒筮寫卦筮者執以示主人主人受視反之筮者還東面長占卒告于主人占曰吉若不吉則筮遠日如初儀宗人告事畢

闕魚列反闕于通反還音旋長知丈

反

筮而不卜于侯王也冠玄端立冠玄端士之祭服也子姓主人之子蓋旁兄弟有司羣執事或士之屬吏及凡效職者

席筮人之席筮著也筮人取著于西塾儀當與士冠禮同贊佐之也左當作右對祖言曰孫某子祖字也皇君也爲家之主故尊之爲君長筮人之長遠日旬日之外告畢徹筮席乃告

右筮日

前期三日之朝筮尸如求日之儀命筮曰孝孫某諏此某事適其皇祖某子筮某之某爲尸尙饗

鄭康成曰某之某字尸父而名尸也古爲尸者必以同姓必以孫之倫必以適必以無父者然苟其人不端而無可尸者將奈何故尸禮斷不可行矣

右筮尸

乃宿尸主人立于尸門外子姓兄弟立于主人之後北面東上尸如主人服出門左西面主人辟皆東面北上主人再拜尸答拜宗人擯辭如初卒曰筮子爲某尸占曰吉敢宿祝許諾致命

尸許諾主人再拜稽首尸入主人退

辟音避

宿先期而戒之北面敬之也辟辟位亦敬之主人先拜尊之如初如宰命筮尸之辭祝事尸者故代主人致命于尸尸許諾祝以告宗人而告主人尸不俟主人而先入亦不拜送尊也

右宿尸

宿賓賓如主人服出門左西面再拜主人東面答再拜宗人擯

曰某薦歲事吾子將泣之敢宿賓曰某敢不敬從主人再拜賓

答拜主人退賓拜送

泣音利

賈氏公彥曰賓在有司內宿一人以備三獻之賓薦進也泣臨也

右宿賓

厥明夕陳鼎于門外北面北上有簋楩在其南南順賓獸于其上東首牲在其西北首東足設洗于阼階東南壺禁在東序豆

邊劍在東房南上几席兩敦在西堂

鼎芒狄反櫨於庶反劍音刑敦音對下同

宿賓之明日夕陳鼎于門東北面上放祭時之位土祭三鼎有鼎避塵也鄭康成曰櫨之制如今大木舉上有四周下無足以盛獸腊士腊用兔其西櫨西也東足者尚右也姓不用櫨以其生西堂即西廂東房對西房而言

主人及子姓兄弟即位于門東如初賓及眾賓即位于門西東

面北上宗人祝立于賓西北東面南上

初筮位賓及眾賓即位于門西有司之屬不在賓位宗人祝位近廟

主人再拜賓答再拜三拜眾賓眾賓答再拜主人揖入兄弟從

賓及眾賓從即位于堂下如外位

從如字

主人拜賓答拜三次則拜眾賓亦再拜非三拜眾賓也御案外位如筮位則主人立于門東西面子姓兄弟立于主人之南西面北上此主黨也其不如筮位者賓眾賓立于門西東面北上宗人祝立于賓西北此賓黨也公有司當于西方北面東上私臣當于東方北面西上但無門以為之節

宗人升自西階視壺濯及豆邊反降東北面告濯具賓出主人出皆復外位宗人視牲告充雍正作豕宗人舉獸尾告備舉鼎烹告絜請期曰羹飪告事畢賓出主人拜送飪而甚反

濯漑也不言敦鉶者省文惟言賓主人出亦省文告器皆濯告牲已充充肥也雍正官名作以策策豕此爲視牲備具也期早晏之期肉謂之羹飪熟也言以羹飪爲節送送于門外

右視濯視牲告期

夙興主人服如初立于門外東方南面視側殺主婦視饔饔于西堂下亨于門外東方西面北上羹飪賓鼎陳于門外如初尊于戶東玄酒在西賓豆邊鉶陳于房中如初執事之俎陳于階閒二列北上盛兩敦陳于西堂藉用萑几席陳于西堂如初尸盥匱水賓于槃中簞巾在門內之右祝筵几于室中東面儀尺志反

古又作禧周官作饌亨普庚
反盛音成禧慈夜反崔音完

夙興早起如初立端側特也天子諸侯親射牲大夫士但視
之而不殺次黍稷曰饌西堂下堂之西下主人視側殺重血
食主婦視饌饗重饋食也亨煮也煮豕魚腊各一饗羹熟賓
諸鼎陳于門外東方初視濯時戶東室戶東玄酒在西尚之
陳于房中如初亦如其南上之位執事凡執事者有司及兄
弟賓皆在其中二列分東西二列東列則昨俎爲上西列則
祝俎爲上皆北上兩敦以盛黍稷盛而藉之重黍稷也萑細
葦戶鹽匱水戶所盥之匱水也戶尊不就洗榮簠几皆在門
右戶入則執事者執以就
之祝筵几爲神設席也

右亨饌陳設

主婦纓笄宵衣立于房中南面主人及賓兄弟羣執事卽位于
門外如初宗人告有司具主人拜賓如初揖入卽位如初佐食
北面立于中庭纓所綺反
又山買反

主婦主人之妻祭必夫婦親之大夫妻祭服祿衣侈袂宵衣
其次于祿衣者歟具猶辨也告告主人初視濯時佐食主人

兄弟之佐尸食者立
于中庭將有事也

右卽位

主人及祝升祝先入主人從西面于戶內主婦盥于房中薦兩
豆葵菹蜎醢醢在北宗人遣佐食及執事盥出主人降及賓盥
出主人在右及佐食舉牲鼎賓長在右及執事舉魚腊鼎除鼎
宗人執畢先入當阼階南面鼎西面錯右人抽扃委于鼎北贊
者錯俎加匕乃杝蜎力禾反長知丈反錯
匕故反下同杝音匕

祝接神故先主人入主婦盥盥于內洗洗在北堂直室東隅
薦豆于奧席前凡有事者必盥以致潔賈氏公彥曰東爲右
西爲左主人尊入時在鼎前左人卑入時在鼎後賓尊不載
俎故使佐食對主人使賓爲右人而使執事者在左而載
畢狀如父爲其似畢星名之宗人執畢以指教其錯鼎之處
右人主人及賓既錯皆西而俟匕不一有黍稷之匕疏匕喪
匕惟喪匕用桑餘用匕加
加于其上乃杝載之也

佐食升所俎，鬯之設于阼階西。卒載加匕于鼎，主人升入復位。俎入，設于豆東。魚次，腊特于俎北。主婦設兩敦黍稷于俎南。西上及兩鉶，芼設于豆南。南陳祝洗酌奠，奠于鉶南。遂命佐食啟會。佐食啟會，卻于敦南，出立于戶西南面。主人再拜稽首，祝在左。

卒祝，主人再拜稽首。

所音祈，肅當爲幕。芼，茫報反。會如字。

鄭康成曰：所，心舌之俎也。郊特牲曰：所之爲言敬也。主人所以敬尸之俎，已載匕加于鼎。主人升復位，則賓匕者亦復位。豆在神坐之前。豕俎入，設于豆東。魚又次其東。腊特設于俎北。宗婦不贊，主婦自取敦鉶，設之殺於大夫。禮啟會乃奠，此既其解也。不云酒而云奠，因其事名之。大夫禮啟會乃奠，此既奠乃啟殺也。會敦蓋卻仰也。祝在左，當爲主人釋辭于神。卒祝，主人拜其爲已祝。

右設饌祝神

祝迎尸于門外，主人降，立于阼階東。尸入門左，北面盥。宗人授

巾尸至于階祝延尸尸升入祝先主人從

門廟門祝代主人迎故不拜主人降以俟尸敬也但不出門迎之門外從乎人道遜讓也延進也祝先以導尸主人後

右尸入

尸卽席坐主人拜妥尸尸答拜執奠祝饗主人拜如初祝命授祭尸左執觶右取菹揆于醢祭于豆間佐食取黍稷肺祭授尸尸祭之祭酒啐酒告旨主人拜尸奠觶答拜祭鉶嘗之告旨主人拜尸答拜祝命爾敦佐食爾黍稷于席上設大羹湑于醢北舉肺脊以授尸尸受振祭嗜之左執之乃食食舉主人羞所俎于腊北尸三飯告飽祝侑主人拜佐食舉幹尸受振祭嗜之佐食受加于所俎舉獸幹魚一亦如之尸實舉于菹豆佐食羞庶羞四豆設于左南上有醢尸又三飯告飽祝侑之如初舉骼及

獸魚如初尸又三飯告飽祝侑之如初舉肩及獸魚如初佐食
盛所俎俎釋三个舉肺脊加于所俎反黍稷于其所按音璽換

而弦反啐七內反爾與邇同大音泰
涪去及反飯父晚反豁音格盛音成

執奠尸入執祝所奠之爵饗勸之如初再拜稽首尸按祭猶
生者之飲食必祭也換醢染于醢尸啐酒而告旨主人拜其
享嘗錫亦然錫肉味之有菜和者爾近也近之便尸食之大
羹涪煮肉汁不和故曰大尸祭脊肺膾而左手執之以右手
舉而食之先食黍稷後食脊肺脊連肉解者故可食食舉言
食時必舉之主人親進所俎以致敬餘使人代以省勞也尸
三飯告飽祝又勸之侑勸也主人拜以致勸幹長脊也佐食
舉幹尸受祭而膾之還授佐食佐食又舉獸幹魚尸受授幹
亦然此時尸左手執肺脊如故也既食尸乃實所與肺脊于
菹豆佐食又進庶羞尸又三飯告飽祝又勸食主人拜如初
佐食又舉酪及獸魚如初各一也尸又三飯告飽祝侑主人
拜如初尸舉肩及獸魚如初佐食取牲魚腊之餘盛于所俎
將以歸尸个猶枚也俎釋三个不可使神俎空
也尸舉肺脊授佐食加于所俎反黍稷于其所

右尸食

主人洗角升酌醕尸尸拜受主人拜送尸祭酒啐酒賓長以肝從尸左執角右取肝揆于鹽振祭臍之加于菹豆卒角祝受尸角曰送爵皇尸卒爵主人拜尸答拜醕羊進反古文無長

醕衍也尸既卒食又欲畱衍飲樂之角受四升肝炙肝也以佐酒飲器通名角

右主人醕尸

祝酌授尸尸以醕主人主人拜受角尸拜送主人退佐食授按祭主人坐左執角受祭祭之祭酒啐酒進聽嘏佐食搏黍授祝祝受尸尸受以菹豆執以親嘏主人主人左執角再拜稽首受復位詩懷之實于左袂挂于季指卒角拜尸答拜主人出寫嗇于房祝以邁受醕才各反同酢嘏古雅反搏大官反挂音卦

醋報也尸尊故不親酌退進受爵而反位尸將嘏主人佐食授主人黍稷肺使按祭蓋主人獻尸尸享祭而賜主人以福

曰設主人受祭祭之祭酒啐酒進聽尸之嘏已其嘏也亦祝
爲之辭黍食之主也故獨搏黍授祝祝授尸尸受以菹豆執
以覘嘏主人主人左執角再拜稽首受詩持也以手維持奉
承而懷之既實于左袂又挂于小指者防拜時遺落也寫置
也高卽黍也
邊虛邊也

右尸酢主人及嘏

筵祝南面主人酌獻祝祝拜受角主人拜送設菹醢俎祝左執
角祭豆興取肺坐祭臠之興加于俎坐祭酒啐酒以肝從祝左
執角右取肝揆于鹽振祭臠之加于俎卒角拜主人答拜受角
酌獻佐食佐食北面拜受角主人拜送佐食坐祭卒角拜主人
答拜受角降反于篚升入復位

主人既受嘏則獻祝與佐食以神惠酬之也祝尊
于佐食故先獻祝祭酒而啐佐食祭而不啐禮略
右主人獻祝與佐食

主婦洗爵于房酌亞獻尸尸拜受主婦北面拜送宗婦執兩邊戶外坐主婦受設于敦南祝贊邊祭尸受祭之祭酒啐酒兄弟長以燔從尸受振祭嘑之反之羞燔者受加于胙出尸卒爵祝受爵命送如初燔音煩

亞次也兩邊棗栗也棗西栗東邊祭即棗栗豆近尸尸自取祭邊稍遠故祝贊取以授尸燔炙肉羞燔者即兄弟如初如主人儀

酢如主人儀主婦適房南面佐食按祭主婦左執角右撫祭祭酒啐酒入卒爵如主人儀

房中南面主婦之正位按祭亦黍稷肺也佐食不授主婦而祭于地主婦撫之而已主婦入于室中北面而立飲如主人儀

右主婦獻尸尸酢

按古者祭必夫婦親之如父母在蓋正內正位承父母之重
同其事之無不同後世重外輕內謂婦人賤于男子而婦人
亦不自重非聖人之意也

獻祝遷燔從如初儀及佐食如初卒以爵入于房

敖氏繼公曰此惟無祭俎一節餘則如之及謂獻及之也如初如主人獻佐食

右主婦獻祝及佐食

賓三獻如初燔從如初爵止

賓三獻尸其儀如上尸于是止爵而待主人以下均神惠致爵

右賓長獻尸爵止

席于戶內主婦洗爵酌致爵于主人主人拜受爵主婦拜送爵
宗婦贊豆如初主婦受設兩豆兩邊俎入設主人左執爵祭薦
宗人贊祭奠爵興取肺坐絕祭臠之興加于俎坐扱手祭酒啐

酒肝從左執爵取肝換于鹽坐振祭嘑之宗人受加于俎燔亦如之興席末坐卒爵拜主婦答拜受爵酌醋左執爵拜主人答拜坐祭立飲卒爵拜主人答拜主婦出反于房古文說皆作說

爲主人設席于戶內主婦洗爵獻主人不言獻而言致酒者分神惠非已特獻也敖氏曰主婦贊兩豆復取兩遷于房第言贊豆省文耳如初戶外坐也主婦受于戶外而設于席前俎入佐食設于豆西挽手爲絕肺染污也酌酢主婦自酌而酢不煩主人尊夫也主婦反于房當奠爵于筐

右主婦致爵于主人自酢

主人降洗酌致爵于主婦席于房中南面主婦拜受爵主人西面答拜宗婦薦豆俎從獻皆如主人主人更爵酌醋卒爵降實爵于筐入復位

敖氏繼公曰豆亦兩豆兩遷俎牲俎也從獻肝燔也皆如主人謂受爵以前之禮更爵更取在內筐者也祭統曰酢必異

爵明夫
婦之別

右主人致爵于主婦自酢

均神惠必自夫婦始夫
妻一也故其儀皆同

三獻作止爵尸卒爵酢酌獻祝及佐食洗爵酌致于主人主婦
燔從皆如初更爵酢于主人卒復位

三獻賓也作起也賓也而謂之三獻以事而名之賓既三獻
乃起尸爵也尸于是卒爵酢賓酌獻祝及佐食洗爵酌致于
主人主婦燔從皆如初恐疑其無燔
也賓更爵自酢惟言主人該主婦也

右尸酢賓賓獻祝及佐食致于主人主婦自酢

主人降阼階西面拜賓如初洗賓辭洗卒洗揖讓升酌西階上
獻賓賓北面拜受爵主人在右答拜薦脯醢設折俎賓左執爵
祭豆奠爵興取肺坐絕祭齊之興加于俎坐挽手祭酒卒爵拜

主人答拜受爵酌酢奠爵拜賓答拜主人坐祭卒爵拜賓答拜揖執祭以降西面奠于其位如初薦俎從設

鄭康成曰如初如視濯時主人再拜賓答拜眾賓賓答拜者拜賓而洗爵為將獻之凡節解者皆曰折俎賓受主人獻而成禮拜以爵授主人主人受爵自酌酳奠爵而拜賓賓答拜主人乃坐祭卒爵拜賓又答拜執所祭以降復西階下東面位云如初嫌既獻則位或異也薦俎鄭康成曰少牢饋食禮等夫執薦以從設于祭東司士執俎以從設于薦東是則皆公有司為之與

右主人獻賓長自酢

眾賓升拜受爵坐祭立飲薦俎設于其位辯主人備答拜焉降

實爵于篚辯音偏下同

眾賓立飲異于賓長備盡也

右主人獻眾賓

尊兩壺于阼階東加勺南枋西方亦如之主人洗觶酌于西方之尊西階前北面酬賓賓在左主人奠觶拜賓答拜主人坐祭卒觶拜賓答拜主人洗觶賓辭主人對卒洗酌西面賓北面拜主人奠觶于薦北賓坐取觶還東面拜主人答拜賓奠觶于薦南揖復位勺時灼反還音旋

上文獻賓及兄弟皆酌上尊獻禮隆于旅酬禮也此爲眾賓及兄弟別設尊行神惠且上酒有玄酒此兩壺皆尊于堂下取其便也先設尊東方主人位西方賓位主人先酌西方尊賓之意獻賓畢不授賓解而奠于薦左者行神惠不同于飲酒賓坐取觶興還東拜謝主人之奠觶也賓奠觶于薦南明將舉之

右主人酬賓長

主人洗爵獻長兄弟于阼階上如賓儀洗獻眾兄弟如眾賓儀

必洗者敬也

右主人獻長兄弟及眾兄弟

洗獻內兄弟于房中如獻眾兄弟之儀主人西面答拜更爵酢卒爵降實爵于筐入復位

鄭康成曰內兄弟姑姊妹宗婦族人之婦御案主人酢于內賓之長出房主婦則洗解酌西面以酬內賓之長奠解拜內賓之長西面答拜主婦坐祭卒解拜內賓之長東面坐取解還西面答拜主婦答拜內賓之長奠解于薦南復位此奠解爲房中旅酬之始

右主人獻內兄弟自酢

長兄弟洗觚爲加爵如初儀不及佐食洗致如初無從眾賓長爲加爵如初爵止

大夫士三獻則禮成矣又加爵以行酬使長兄弟眾賓長皆得以伸其敬爵止尸爵不舉俟眾人之舉解從嬖從也

右眾兄弟眾賓長爲加爵

嗣舉奠盥入北面再拜稽首尸執奠進受復位祭酒啐酒尸舉肝舉奠左執觶再拜稽首進受肝復位坐食肝卒解拜尸備答拜焉

嗣適嗣舉奠舉奠解而飲之嫡嗣承宗廟之重故特爲此禮令舉奠以伸其敬若無嫡則己盥而入先再拜以重尊者之賜尸執奠嗣進受之復位祭酒啐酒尸又舉肝舉奠左執觶嗣進而拜受肝復位坐食肝卒解拜尸皆答拜

舉奠洗酌入尸拜受舉奠答拜尸祭酒啐酒奠之舉奠出復位

嗣舉奠以獻尸尸拜受嗣舉奠答拜尸祭酒啐酒而奠之嗣舉奠出復位

右嗣舉奠

兄弟弟子洗酌于東方之尊阼階前北面舉觶于長兄弟如主人酬賓儀

御案兄弟弟子謂兄弟之弟若子賈氏公彥曰弟子洗解酌于東方之尊阼階前東面獻長兄弟長兄弟北面拜受弟

子奠于薦南長兄弟坐取解還西面拜弟子北面答拜長兄弟奠于薦北揖復位故曰如主人酬賓儀

右兄弟之弟子舉解于其長

宗人告祭胙乃羞

胙支膾反

胙俎告眾賓眾兄弟內賓祭俎豆以成禮乃皆進羞用宗人庭長也不言祭豆可知羞豕肉爲之王制曰庶羞不踰牲

右祭胙乃羞

賓坐取解阼階前北面酬長兄弟長兄弟在右賓奠解拜長兄弟答拜賓立卒解酌于其尊東面立長兄弟拜受解賓北面答拜揖復位長兄弟西階前北面眾賓長自左受旅如初長兄弟卒解酌于其尊西面立受旅者拜受長兄弟北面答拜揖復位眾賓及眾兄弟交錯以辯皆如初儀

錯七各反

所取解卽主人酬賓之解長兄弟在右賓在左各象其位其尊卽長兄弟尊也交錯主賓之黨互相酬初卽上文相酬之

禮交錯而辯及合眾人
之歡心以事其先也

右賓與兄弟旅酬

爲加爵者作止爵如長兄弟之儀

爲如字

李氏如圭曰賓酬長兄弟長兄弟酬賓二解繼舉至是禮殺故不俟其畢而作止爵御案云如長兄弟之儀則尸亦酢之又獻祝致爵于主人主婦而作于主人矣既乃降奠解于筐

右眾賓長作止爵

長兄弟酬賓如賓酬兄弟之儀以辯卒受者賓解于筐

長兄弟取弟子所舉之無酬賓如酬兄弟之儀

右兄弟與賓旅酬

賓弟子及兄弟弟子洗各酌于其尊中庭北面西上舉解于其長奠解拜長皆答拜舉解者祭卒解拜長皆答拜舉解者洗各

酌于其尊復初位長皆拜舉觶者皆奠觶于薦右長皆執以興
舉觶者皆復位答拜長皆奠觶于其所皆揖其弟子弟子皆復
其位爵皆無算

鄭康成曰弟子舉觶于其長所以序長幼敬孝弟敖氏繼公
曰薦右賓之薦南兄弟之薦北也長執以興亦象受之其所
薦右也揖揖之使復其位算數也唯其所
欲交錯以辯無次第之數使之各盡其情

右弟子各舉觶遂無算爵

利洗散獻于尸酢及祝如初儀降實散于簠

利卽佐食利養也佐食以養爲義故
名佐食洗散爵獻于尸酢又獻祝

右佐食獻尸祝

主人出立于戶外西面祝東面告利成尸謦祝前主人降祝反
及主人入復位命佐食徹尸俎俎出于廟門徹庶羞設于西序

下謂所

六反

事尸禮畢主人出立于戶外西面祝東面告以供養禮成尸起祝前導主人降立于阼階東徹尸俎以疾爲敬詩曰廢徹不遲徹庶羞不入于房而設于西序下以將餞餘與族人燕也

右尸出

筵對席佐食分簋鉶宗人遣舉奠及長兄弟盥立于西階下東面北上祝命嘗食養者舉奠許諾升入東面長兄弟對之皆坐

養與餞同古文養皆作餞

筵對席設對席于饌東也分簋鉶以簋分簋食以鉶分鉶羹爲其有對也舉奠子姓也御案祝命嘗食以祖宗之命命之也餞者若鬼神不獨饗之而恩及于其下也

佐食授舉各一膚主人西面再拜祝曰養有以也兩養奠舉于俎許諾皆答拜若是者三皆取舉祭食祭舉乃食祭鉶食舉

佐食舉膚投之各一主人西面再拜拜神之惠非拜子弟也
祝告蕞者曰女今餽此有所以也蓋言先人有德以及于此
兩蕞對席者莫祝所舉之膚于俎諾其言亦拜神之惠皆猶
亦也三丁寧戒之食簋實之黍稷先祭食乃祭舉者黍重而
輕膚

卒食主人降洗爵宰贊一爵主人升酌醑上蕞上蕞拜受爵主
人答拜醑下蕞亦如之主人拜祝曰醑有與也如初儀兩蕞執
爵拜祭酒卒爵拜主人答拜兩蕞皆降實爵于簋上蕞洗爵升
酌酢主人主人拜受爵上蕞卽位坐答拜主人坐祭卒爵拜上
蕞答拜受爵降實于簋主人出立于戶外西面

上兄弟之長者有與也謂與兄弟各當體先人之意以惠下
兩蕞皆執爵拜受上蕞洗爵升酌酢主人主人亦拜以其爲
神之饌也御案卽位
而後拜送者禮之常

右蕞

祝命徹昨俎豆邊設于東序下祝執其俎以出東面于戶西宗婦徹祝豆邊入于房徹主婦薦俎佐食徹戶薦俎敦設于西北隅几在南扉用筵納一尊佐食闔牖戶降祝告利成降出主人降卽位非符未反

命命佐食徹也昨俎主人之俎設于東序下將燕也豆籩自東房出還徹之入于房詩曰諸父兄弟備言燕私蓋燕于廟後之寢扉隱也幽隱之處敖氏繼公曰既饌復改設而不卽徹去者重其爲神之餘也一尊酒尊也

右徹改設

宗人告事畢賓出主人送于門外再拜佐食徹昨俎堂下俎畢出

再拜拜送賓門外廟門外昨俎佐食徹之其兄弟及眾賓自徹而出唯賓俎有司徹歸之尊賓也

右禮畢

記

記禮經所未備

特牲饋食其服皆朝服，玄冠，緇帶，緇鞶，唯尸祝佐食，玄端，玄裳。

黃裳，雜裳可也。皆爵韠。

食音嗣，朝音潮。

皆謂賓及兄弟助祭者，主人玄端而助祭者朝服，重其事，故盛其服也。唯尸祝佐食與主人同服。

右記祭服

設洗，南北以堂深，東西當東榮，水在洗東，篚在洗西南，順實二
飯，二觶，四簠，一角，一散，壺，於禁，饌于東序南，順覆兩壺焉。蓋在
南，明日卒奠，冪用綌，卽位而徹之，加勺，遷巾以綌也。纁裏，棗烝，
栗，擇鉶，芼，用苦若薇，皆有滑，夏葵，冬菹，棘心，七刻，牲爨在廟門
外，東南魚，腊，爨在其南，皆西面，饋爨在西壁，所俎，心，舌，皆去本。

末午割之實于牲鼎載心立舌縮俎賓與長兄弟之薦自東房

其餘在東堂

覆芳屋反暴本作廩豈音桓今文苦爲芻去起呂反

二爵爲賓獻尸時爵止主人常致爵于主婦主婦致爵于主人之用二觶爲長兄弟及眾賓長爲加爵之用四觶爲嗣子舉解及眾兄弟賓弟子各舉解之用禮器曰貴者獻以爵賤者獻以散尊者舉解卑者舉角賈氏公彥曰大夫用於士用禁禁有足至祭則去足名爲檮禁用暴覆壺辟塵也實遵而陳之時用巾將設則去之縹裏巾用複也苦苦荼荳蔞屬夏秋用生葵冬春用乾荳取其滑七以棘心爲之而刻其首爲龍凡羹皆在門外牆下午割縱橫割之不絕中央少許載載于俎心則立舌則順俎自東房自東房出東堂東夾之前近南

右記陳設器物

沃尸盥者一人奉槃者東面執匱者西面淳沃執巾者在匱北宗人東面取巾振之三南面授尸卒執巾者受尸入主人及賓皆辟位出亦如之嗣舉奠佐食設豆鹽佐食當事則戶外南面

無事則中庭北面凡祝呼佐食許諾奉芳勇反淳之純反今文作激辟音避

凡進盥少者奉榮長者奉水請沃盥盥卒授巾澆灌曰沃細瀉曰淳匱北執匱者之北振之三爲去塵以明敬宗人授巾尊尸也卒謂已挽手入入門出出戶設豆盥爲其食肝也祝呼祝有所命

右記執事者之節

宗人獻與旅齒于眾賓佐食旅齒于兄弟

齒長幼之次

右記宗人佐食獻旅之次

尊兩壺于房中西墻下南上內賓立于其北東面南上宗婦北堂東面北上主婦及內賓宗婦亦旅西面宗婦贊薦者執以坐于戶外授主婦

御案房內設兩壺一爲內賓一爲宗婦也兩壺皆酒而云南上者尊內賓壺在西墻下之南宗婦以族人之婦長而嫗

禮者爲之主婦及內賓宗婦亦族同
分神惠也宗婦贊薦者以下見上

右記房中旅及宗婦贊薦之事

尸卒食而祭饔饔雍饔

尸卒食而宗婦祭饔饔亨者祭雍饔雍孰肉也按此因享尸
歸功于饔而祭之其祭也特用黍肉未必定設尸蓋與尋常
祭饔異也

右記祭饔

賓從尸俎出廟門乃反位

鄭康成曰從尸送尸助祭當終其事俎尸俎
也賓送尸復入者宜與主人爲禮乃去也

右記賓送尸之節

尸俎右肩臂臠肫胙正脊二骨橫脊長脊二骨短脅膚三離肺

一判肺三魚十有五腊如牲骨
臠乃報反肫音諄胙音格
判七本反今文判爲切

尸俎神俎也凡俎實之數或九或七或五皆奇俎凡牲體四肢爲上故先序肩臂驕肫肫胙後序脊脅大夫禮三脊脅俱有此但有二體貶于大夫特牲禮無膚俎故以膚附于牲俎離推也小而長午割之賈氏公彥曰言牲骨則一骨二骨兼在其中敖氏曰云骨而不言體骨可以該體體不可以該骨

祝俎髀脰脊三骨脅二骨膚一離肺一

敖氏繼公曰髀謂右髀脅代脅也

阼俎臂正脊二骨橫脊長脅二骨短脅膚一離肺一

主人之俎優于祝而遜于尸故不用左肩而用左臂脊脅非體也故得與尸同

主婦俎殼折其餘如阼俎

殼苦角反又戶角反

殼後足不若主人之用臂餘謂脊脅膚肺敖氏曰殼非正體折駘之下而取之故云殼折

佐食俎殼折脊脅膚一離肺一

賈氏曰直云脊脅不定體名欲見得便用之

賓饔長兄弟及宗人折其餘如佐食俎

敖氏曰凡饔與饔連乃為全體上文兩見歟折則此饔亦非全體矣不言幣折者可知長兄弟及宗人折亦謂折分其全體也不言其體或以其所用者不定歟其餘謂脊脅膚肺

眾賓及眾兄弟內賓宗婦若有公有司私臣皆歆胥膚一離肺

一

御案歆胥者體解之通稱對郊禘之全胥言也此記云歆胥是組體之最略者凡祭禮以接神者為貴此賤故但折體而已骨有肉曰歆祭統曰凡為俎者以骨為主貴者取貴骨賤者取賤骨貴者不重賤者不虛示均也俎者所以明惠之必均也御案牲體以四肢為貴脊次之就四體而論肩人貴後周人貴前故前體為貴而後體次之就前體而論肩最貴臂次之肱又次之其序自上而下也就後體而論髀為貴腕次之髀為下其序自下而上也體有貴賤而用全體者為隆如尸俎之全用右肩臂肱腕髀祝俎之全用右髀胙俎之全用左臂是也其次則不用全而用半如主婦佐食俎之用歆折是也又其次則度其可用者用之而並不言半矣如長兄弟及宗人俎用折是又其次則雜用餘體之可歆者而

並不言折矣眾賓眾兄弟以下之殺是

右記俎賓

公有司門西北面東上獻次眾賓私臣門東北面西上獻次兄弟升受降飲

郝氏敬曰公有司賓屬門西賓位也私臣主屬門東主位也私臣獻在後者賤也

右記公有司私臣位及受獻之次

總論祭死如生則必受其所親敬其所尊此饋食之禮所以惠無不均歟此篇所載猶見先王之遺意焉而其言尊俎亦詳特古人僂見愾聞必有其本禮必兼樂此獨不一言及其爲後儒掇拾舊文可知

儀禮恆解卷之十四終

儀禮恆解卷十五

雙江劉 沅輯註

少牢饋食禮

鄭康成曰諸侯之卿大夫祭其祖廟於廟之禮

少牢饋食之禮日用丁巳筮旬有一日已音紀

鄭康成曰禮將祭必先擇牲繫於牢而笱之羊豕曰少牢諸侯之卿大夫祭宗廟之牲云御案饋食者祭以素盛爲重也孝子養親曰饋養天子諸侯躬秉耒以其素盛亦此意內事用柔日故用丁與己之日必用二日者丁火之成數己土之成數火文明土生成先人處於幽而實主生成子孫尤大脩業也於祭前十日之一日筮下月之丁巳日

筮於廟門之外主人朝服西面於門東史朝服左執筮右執上

韞兼與筮執之東面受命于主人朝直遙反下朝服並同

史家臣主筮事亦得云史筮並多故兼執之

主人曰孝孫某來日丁亥用薦歲事于皇祖伯某以某妃配某氏尙饗史曰諾西面于門西抽下轎左執筮右兼執轎以擊筮遂述命曰假爾大筮有常孝孫某來日丁亥用薦歲事于皇祖伯某以某妃配某氏尙饗

大音泰

云丁亥舉一以見其例耳亥爲六丁之末故說言之其上者可知伯某字也亦舉其概主人告史史乃轉述其言以告筮擊筮警告之假借也大尊之之辭言藉爾大筮之靈以問於神有常神不貳者也

乃釋轎立筮卦者在左坐卦以木卒筮乃書卦于木示主人乃退占吉則史轎筮史兼執筮與卦以告于主人占曰從乃官戒宗人命滌宰命爲酒乃退若不吉則及遠日又筮日如初

鄭康成曰大夫之著五尺卦者史之屬卦以木者每一爻畫地以識六爻備書於板史受以示主人退占東面旅占之官戒諸供祭祀之官滌瀝濯祭器掃除宗廟酒事酒有事新造者及遠日越十日而又筮之按祖父母與子孫一氣相通

無時不凜如在也而祭必筮日者
重其事恐誠有不至弗來享耳

右筮日

宿前宿一日宿戒尸明日朝筮尸如筮日之禮命曰孝孫某來
日丁亥用薦歲事于皇祖伯某以某妃配某氏以某之某爲尸
尙饗筮卦占如初吉則乃遂宿尸祝擯主人再拜稽首祝告曰
孝孫某來日丁亥用薦歲事于皇祖伯某以某妃配某氏敢宿
尸拜許諾主人又再拜稽首主人退尸送揖不拜若不吉則遂
改筮尸

宿預戒與祭等人前宿一日戒當爲尸者先致其敬至祭前
一日筮尸如筮日之儀如吉則遂宿尸祝擯主人而告尸以
宿既宿尸乃宿諸與祭者如不吉則改筮一人按前人謂天
子諸侯大夫士致齋散齋日不同不知祭必齋者所以致其
潔敬豈以貴賤而分自筮日後卽當循致齋散齋之儀其宿
尸宿賓亦使之齋也而爲時太促不嫌者齋以主人爲主自

無強諸人以
從己之禮

右筮尸宿尸

既宿尸反爲期于廟門之外主人門東南面宗人朝服北面曰
請祭期主人曰比於子宗人曰旦明行事主人曰諾乃退

爲期定祭早晏之期朝服大夫尊也宗人請期以便告夙執
事而主人謙曰比于子比次也猶言聽於子也宗人曰旦明
行事主人許
諾宗人乃退

右爲期

明日主人朝服卽位于廟門之外東方南面宰宗人西面北上
牲北首東上司馬刲羊司士擊豕宗人告備乃退

刲擊皆謂殺之諸侯禮殺於門內
此大夫與士皆殺於門外辟君也

右視殺

雍人概鼎匕俎于雍爨雍爨在門東南北上廩人概甑甗匕與敦于廩爨廩爨在雍爨之北司宮概豆籩勺爵觚解几洗筐于東堂下勺爵觚解實于筐卒概饌豆籩與筐于房中放于西方設洗于阼階東南當東榮

概古愛反甑子應反甗疑戰反敦音對放甫往反

雍人掌割烹之事者敖氏繼公曰概猶拭也既筮日而宗人命滌則有司於祭器已濯之至此但概之以去其塵鼎匕俎皆牲器故雍人概之於雍爨之上以其類也概甑甗匕敦於廩爨其義亦然廩人掌米入之藏者匕所以匕黍稷者廩如甑有底而無孔所以盛米甑則以炊匕而出之司宮主陳設豆籩等器故先概之繼乃分設之饌設也放依也

右概器

羹定雍人陳鼎五三鼎在羊鑊之西二鼎在豕鑊之西

敖氏繼公曰三鼎羊魚腊二鼎豕與膚

司馬升羊右腓髀不升肩臂膊膊骨正脊一脰脊一橫脊一短

脅一正脅一代脅一皆二骨以竝腸三胃二舉肺一祭肺三實

于一鼎反膊神勻反音純與肫同脰體影反又弟倚反

敖氏曰升謂升於俎鄭康成曰右膊周所貴脾不升近發賤也

則皆自鑊升於俎鄭康成曰右膊周所貴脾不升近發賤也

肩臂肱肱骨膊髀股骨脊從前為正脅旁中為正脊先前脅

先後竝併也脊脅骨多六體各取二骨併之以多為貴舉肺

一尸食所先舉也祭肺三為尸主人主婦

司士升豕右肫脾不升肩臂肫膊髀正脊一脰脊一橫脊一短

脅一正脅一代脅一皆二骨以竝舉肺一祭肺三實于一鼎雍

人倫膚九實于一鼎司士又升魚腊魚十有五而鼎腊一純而

鼎腊用麋卒脅皆設局鼎乃舉陳鼎于廟門之外東方北面北

上膾反

敖氏繼公曰司士所升與上升羊者皆出自鑊而升於鼎其

序但據其已在鼎者上下之次而言非謂入鼎之序然也與

下經文雖同而意則異鄭康成曰倫擇也膚膋革肉擇之取其美者司土又升其副牲鼎者合升左右胖曰純純猶全也鼎謂實於一鼎北面北上鄉內相隨

司宮尊兩甒于房戶之間同於皆有羃甒有立酒司宮設罍水于洗東有枓設篚于洗西南肆改饌豆邊于房中南面如饋之設實豆邊之實小祝設槃匱與簠于西階東

無文甫反於庶反枓音主

鄭康成曰房戶之閒房西室戶東也枓即於禁惟言於省文枓水器沃盥與洗用之加於鼎上改饌者前司宮饌豆邊放於西方今實之乃更設於房中南面如饋之禮設槃匱等如土虞禮特異處耳

右實鼎陳設器饌

主人朝服卽位于阼階東西面司宮筵于奧祝設几于筵上右之

主人朝服爲將祭也司宮布神坐於奧祝設几

右卽位筵几

主人出迎鼎除鼎士盥舉鼎主人先入司宮取二勺于簠洗之兼執以升乃啟二尊之蓋冪奠于楸上加二勺于二尊覆之南枋鼎序入雍正執一匕以從雍府執四匕以從司士合執二俎以從司士贊者二人皆合執二俎以相從入陳鼎于東方當序南于洗西皆西面北上膚爲下匕皆加于鼎東枋俎皆設于鼎西西肆所俎在羊俎之北亦西肆覆芳屋反枋彼映反同柄相如字二勺前既洗之復洗重酌奠之器致其潔敬二尊兩饌也蓋冪蓋尊之器二尊內有玄酒不酌而亦加勺者重古如酌之然雍府雍正屬吏李氏如圭曰鼎五而俎六一爲所俎俎從匕匕從鼎云相從嫌並行也南於洗西陳於洗西南加匕東枋便匕者之執也所俎北將先載也執俎者既設俎乃退

宗人遣賓就主人皆盥于洗長杙

長知文反古文杙作匕

賓助祭者佐食司士等就主人立於主人之南西面以序就盥復位又以序進匕長匕長賓先次賓後也

佐食上利升牢心舌載于所俎心皆安下切上午割勿沒其載于所俎末在上舌皆切本末亦午割勿沒其載于所橫之皆如初爲之于爨也佐食遷所俎于阼階西西縮乃反佐食二人上利升羊載右胖髀不升肩臂臠膊骼正脊一脰脊一橫脊一短脅一正脅一代脅一皆二骨以竝腸三胃三長皆及俎拒舉肺一長終肺祭肺三皆切肩臂臠膊骼在兩端脊脅肺肩在上下利升豕其載如羊無腸胃體其載于俎皆進下司士三人升魚腊膚魚用鮓十有五而俎縮載右首進腴腊一純而俎亦進下肩在上膚九而俎亦橫載革順今文切皆爲剗鮓音付有音又

利卽佐食上長者牢羊豕也所敬也主人特敬尸之俎安平也午割勿沒縱橫割之勿絕其中央少許切割之制如爲之

於曩時胙俎既載執俎者以錯於故處而佐食遷之胙階西
西縮順西置之反反於羊鼎之東以待杞升拒讀距俎足中
央為橫距之象牲體多少一依上文而重序之者嫌載俎時
與入鼎時多少有異且見神尸之俎無不自鼎升他俎無是
也二肺具辨長短及切者入鼎時未制之進下以每體之下
鄉神位生人食則進本神異於人也縮載順俎載之魚之進
腴猶牲之進下也腊亦體解全而一俎膚九而
一俎上文牲體皆橫載膚亦然令其皮相順

右舉鼎載俎

卒胥祝盥于洗升自西階主人盥升自阼階祝先入南面主人
從戶內西面主婦被錫衣侈袂薦自東房韭菹醢醢坐奠于筵

前

錫當為祿音
象衣如字

胥升也升鼎俎畢祝盥而先升先入主人從升入被首飾
也主婦被而祿衣侈袂薦自東房坐奠韭菹醢醢於筵前

主婦贊者一人亦被錫衣侈袂執葵菹羴醢以授主婦主婦不
興遂受陪設于東韭菹在南葵菹在北主婦興入于房羴力禾
反今文

婦為

放氏繼公曰贊者亦祿衣侈袂婦人助祭者其服宜與主婦同如賓客之皆朝服也授主婦坐授之也故主婦不與

佐食上利執羊俎下利執豕俎司士三人執魚腊膚俎序升自

西階相從入設俎羊在豆東豕亞其北魚在羊東腊在豕東特

膚當俎北端

相如字

敖氏繼公曰此執俎匕者也不使載者設之亦大夫祭禮異當俎北端在豕北也特者不與眾為列

主婦自東房執一金敦黍有蓋坐設于羊俎之南婦贊者執敦

稷以授主婦主婦興受坐設于魚俎南又興受贊者敦黍坐設

于稷南又興受贊者敦稷坐設于黍南敦皆南首主婦興入于

房

金敦以金飾之婦贊者贊主婦者四敦皆陳黍稷而所設不同黍尊主婦先設者用金飾

儀禮恆解

卷五

少牢饋食

六

致福樓

祝酌奠遂命佐食啟會佐食啟會蓋二以重設于敦南會如字重直容

反

酌奠酌酒為神奠之賈氏曰重者以會蓋黍稷各二各重累設之於敦南

主人西面祝在左主人再拜稽首祝祝曰孝孫某敢用柔毛剛

鬣嘉薦普淖用薦歲事于皇祖伯某以某妃配某氏尚饗主人

又再拜稽首祝祝下祝之又反鬣良葉反淖乃孝反

鄭康成曰羊曰柔毛豕曰剛鬣嘉薦菹醢普淖黍稷按享神美其名以致敬言擇其嘉者而薦之民力普存年和而後有

此也

右設饌祝神

祝出迎尸于廟門之外主人降立于阼階東西面祝先入門右

尸入門左

主人不出迎及辟位
皆見特牲饋食禮

宗人奉槃東面于庭南一宗人奉匱水西面于槃東一宗人奉
簞巾南面于槃北乃沃尸盥于槃上卒盥坐奠簞取巾興振之
三以授尸坐取簞興以受尸巾奉芳勇反

李氏如圭曰槃匱簞巾先設於西階東
尸入門左至門內雷三宗人奉器就之

祝延尸尸升自西階入祝從主人升自阼階祝先入主人從

祝從明其延尸在尸
後主人從明祝先入

右尸入

尸升筵祝主人西面立于戶內祝在左祝主人皆拜妥尸尸不
言尸答拜遂坐祝反南面尸取韭菹辯換于三豆祭于豆間上
佐食取黍稷于四敦下佐食取牢一切肺于俎以授上佐食上

佐食兼與黍以授尸尸受同祭于豆祭

辯音徧下同換如具反又如悅反一作攜

主人位本在室中西面祝位負北牖南面故主人變位祝在左將爲主人傳妥尸之辭也妥安之尸本不言乃象神因安尸有辭幾尸或言故明之南面祝先入之初位故曰反尸將食神餘尊之而祭之先取韭菹祭者取其尊者也豆以菹爲上醢次之韭菹又在葵菹之上嗣上佐食取黍稷下佐食取羊豕及切肺一授上佐食上佐食並黍稷同授尸尸祭於豆實所祭之處

上佐食舉尸牢肺正脊以授尸上佐食爾上敦黍于筵上右之

主人羞肺俎升自阼階置于膚北上佐食羞兩鉶取一羊鉶于房中坐設于韭菹之南下佐食又取一豕鉶于房中以從上佐食受坐設于羊鉶之南皆芼皆有柶尸扱以柶祭羊鉶遂以祭豕鉶嘗羊鉶

賈氏公彥曰舉尸牢肺脊坐而取之與以授尸更坐而爾敦黍不因前坐也古者館食不用匙箸就器中取之故移之席

上以便尸食亦當爾黍稷不言者文不具爾近也羞進也大
夫五俎有膚俎所_尸在膚北鄭康成曰芼菜也羊用苦豕用薇
皆有滑上佐食受興受之也尸先
嘗羊鉶爲其大夫祭禮之正也

食舉三飯上佐食舉尸牢幹尸受振祭嘑之佐食受加于所_飯

晚反
下同

食舉尸食而佐食舉肺與正脊授尸尸受振祭嘑之
肺氣之主周人尙肺脊體之貴也飯飯黍幹正膾也

上佐食羞載兩瓦豆有醢亦用瓦豆設于薦豆之北尸又食食

載上佐食舉尸一魚尸受振祭嘑之佐食受加于所橫之又食

上佐食舉尸腊肩尸受振祭嘑之上佐食受加于所又食上佐

食舉尸牢骼如初又食_{古文幹爲肝}

幹正膾也木豆曰豆瓦豆曰登郝氏敬曰尸又食舉魚載四
飯也又食舉腊肩五飯也又食舉牢骼六飯也又食不舉七
也飯

尸告飽祝西面于主人之南獨侑不拜侑曰皇尸未實侑尸又食上佐食舉尸牢肩尸受振祭齊之佐食受加于胙尸不飯告飽祝西面于主人之南主人不言拜侑尸又三飯上佐食受尸牢肺正脊加于胙

士三飯卽告飽大夫七飯尸告飽而祝又勸之曰皇尸未飽今侑侑勸也實飽也尸於是又食三舉骨體始於幹終於肩自卑而尊也尸不飯又告飽祝西面於主人之南爲主人致辭以侑主人不言而拜以侑之尸於是爲主人加食又三飯尸食畢授牢肺正脊與佐食佐食加於胙豆

右尸食

主人降洗爵升北面酌酒乃醕尸尸拜受主人拜送尸祭酒啐酒賓長羞牢肝用俎縮執俎肝亦縮進末鹽在右尸左執爵右兼取肝揆于俎鹽振祭齊之加于菹豆卒爵主人拜祝受尸爵

尸答拜

羊進反古文作的長知又反下同

醕猶羹也既食之而又飲之取饒美之義尸祭酒啐酒賓進羊胾以佐酒鹽備食胾之用

右主人醕尸

祝酌授尸尸醕主人主人拜受爵尸答拜主人西面奠爵又拜上佐食取四敦黍稷下佐食取牢一切肺以授上佐食上佐食以綏祭主人左執爵右受佐食坐祭之又祭酒不興遂啐酒祝與二佐食皆出盥于洗入二佐食各取黍于一敦上佐食兼受搏之以受尸尸執以命祝卒命祝祝受以東北面于尸西以叔于主人曰皇尸命工祝承致多福無疆于女孝孫來女孝孫使女受祿于天宜稼于田眉壽萬年勿替引之主人坐奠爵興再拜稽首興受黍坐振祭齊之詩懷之實于左袂挂于季指執爵

以興坐卒爵執爵以興坐奠爵拜尸答拜執爵以興出宰夫以

遷受齊黍主人嘗之納諸內

醋才各反同酢殺與墮同搏大官反女竝音汝挂音卦

祝代尸酌尸尊也主人受爵拜奠爵又拜佐食取黍覆牢肺授主人使墮祭主人坐祭之又祭酒不興而啐酒祝與二佐食出墮而各取黍上佐食兼受二人所取搗之以授尸尸執之而命祝爲嘏主人之辭祝於是嘏主人主人生奠爵與受黍振祭齊之詩持也持而懷之實於左袂便右手也季猶小也出出戶以黍授宰夫宰夫以遷受之納諸邊內既齊而又當重之也

右尸酢主人竝嘏

主人獻祝設席南面祝拜于席上坐受主人西面答拜薦兩豆菹醢佐食設俎牢髀橫脊一短脅一腸一胃一膚三魚一橫之腊兩髀屬于尻祝取菹揆于醢祭于豆閒祝祭俎祭酒啐酒肝牢從祝取肝揆于鹽振祭齊之不興加于俎卒爵興屬音燭尻渴慶反

先設祝席而後酌獻之菹醢韭菹醢醢蓋用尸之上邊薦者蓋宰夫牢脾右脾也橫橫於俎尻兩脾中有數處兩脾屬之蓋載於俎之末端祝下於尸而貴於佐食故其俎實猶多祭俎取膚以祭亦當振祭嗜之肝牢脾也俎牲俎

右主人獻祝

主人酌獻上佐食上佐食戶內闕東北面拜坐受爵主人西面答拜佐食祭酒卒爵拜坐授爵興俎設于兩階之間其俎折一膚主人又獻下佐食亦如之其胥亦設于階間西上亦折一膚

佐食亦當有席不言省文祝不言卒爵拜而佐食言拜文互見也折者擇取牢正體餘骨折分用之郝氏敬曰佐食室中受爵而不設俎俎在堂下兩階之間上佐食之俎在西下佐食之俎在東佐食亦當有薦不言文省

右主人獻祝佐食

有司贊者取爵于篚以升授主婦贊者于房戶婦贊者受以授主婦主婦洗于房中出酌入戶西面拜獻尸尸拜受主婦主人

之北西面拜送爵尸祭酒卒爵主婦拜祝受尸爵尸答拜

男女不相因爵故別取爵於篚有司贊者取以授主婦贊者婦贊者受以授主婦主婦洗於房中出酌入拜獻尸尸受祭酒卒爵主婦拜尸答拜

右主婦獻尸

易爵洗酌授尸主婦拜受爵尸答拜上佐食綏祭主婦西面于主人之北受祭祭之其綏祭如主人之禮不嘏卒爵拜尸答拜主婦以爵出贊者受

祝出易爵更取爵於篚洗酌授尸尸酢主婦佐食舉授主婦使墮祭主婦受祭祭如主人之禮不嘏者夫婦一體既嘏主人則婦在其中矣贊者有司贊者

右尸酢主婦

易爵于篚以授主婦于房中主婦洗酌獻祝祝拜坐受爵主婦

答拜于主人之北卒爵不興坐授主婦主婦受酌獻上佐食于戶內佐食北面拜坐受爵主婦西面答拜祭酒卒爵坐授主婦主婦獻下佐食亦如之主婦受爵以入于房

授授婦贊者入授主婦也受爵入於房當奠於內簠

右主婦獻祝與佐食

賓長洗爵獻于尸尸拜受爵賓尸西北面拜送爵尸祭酒卒爵賓拜祝受尸爵尸答拜祝酌授尸賓拜受爵尸拜送爵賓坐奠爵遂拜執爵以興坐祭遂飲卒爵執爵以興坐奠爵拜尸答拜賈氏公彥曰尸祭酒卒爵與特牲饋食止爵異者彼欲神惠之均於室中待夫婦致爵故止爵大夫禮有賓尸故不致爵爵不止也

右賓獻尸尸酢賓

賓酌獻祝祝拜坐受爵賓北面答拜祝祭酒啐酒奠爵于其筵前

祝與佐食俱事神及尸故獻尸竝及之今賓獻祝而不及佐食鄭賈皆謂因將賓尸禮殺

右賓獻祝

主人出立于阼階上西面祝出立于西階上東面祝告曰利成祝入尸謾主人降立于阼階東西面祝先尸從遂出于廟門祝反復位于室中主人亦入于室復位祝命佐食徹所俎降設于堂下阼階南

謾疏屋反

鄭康成曰謾起也事尸之禮訖於廟門外徹所俎不出門示將賓尸之意也

右尸出祭畢

司宮設對席乃四人藝上佐食盥升下佐食對之賓長二人備

司士進一敦黍于上佐食，又進一敦黍于下佐食，皆右之于席上，資黍于羊俎兩端，兩下是餽司士，乃辯舉。養者皆祭黍，祭舉主人西面三拜。養者奠舉于俎，皆答拜，皆反取舉。司士進一鉶于上養，又進一鉶于次養，又進二豆滫于兩下，乃皆食。食舉卒食，主人洗一爵升酌，以授上養贊者，洗三爵酌，主人受于戶內，以授次養。若是以辯，皆不拜受爵。主人西面三拜。養者養者奠爵，皆答拜，皆祭酒。卒爵，奠爵，皆拜，主人答壹拜。養者三人興，出上養止，主人受上養爵，酌以醋于戶內西面，坐奠爵拜上養答拜，坐祭酒，啐酒，上養親啐曰：「主人受祭之福。」胡壽保建家室，主人興，坐奠爵拜，執爵以興，坐卒爵拜，上養答拜，上養興，出主人送乃退。

養與餽同，今文資作齎，辯爲偏滫去及反，古文壹爲一。

御案設對席而四人藝則二人共一席矣賈氏公彥曰對之非東西相當上佐食東面近南下佐食西面近北賓長二人備亦不東西相當一賓長在上佐食之北一賓長下佐食之南也右之置近右手取其便鄭康成曰資減也減置於羊俎兩端兩下者二賓長於二佐食爲下舉舉膚也膚卽在特俎者舉以授四人主人三拜示徧及意反取舉復取舉於俎滫肉汁賈氏公彥曰神坐之上止有羊豕二銅一進於上佐食一進於下佐食故更進二豆滫於兩下皆食食黍食舉食膚贊者蓋宰夫洗三爵酌授主人使辯也皆不拜受人舉重勞主人一一答拜之藝者三人出降反賓位惟上藝止酢主人主人受爵自酢既祭酒啐酒上藝嘏之以辭主人拜受其嘏上藝出室戶主人送之復入異於三藝出而主人不出

右藝

儀禮恆解卷之十五終

儀禮恆解卷十六

雙江劉沅輯註

有司徹

此乃少牢禮下篇而別爲冊亦如既夕禮篇也鄭康成謂天子諸侯祭之明日釋而賓尸卿大夫與祭同日然經無明文據此篇大夫祭禮如此繁重安能及賓尸之日爲之御案上篇正祭以神道事尸於室故用祝與佐食皆室事也此篇賓尸以賓禮接尸於堂故不用祝與佐食而另立侑以輔尸皆重事也

有司徹

鄭康成曰徹室中之饋及祝佐食之俎御案此後無室中之事凡室中所有悉徹而空之室中之饋則尸之四豆五俎四敦兩鉶四瓦豆酌奠之解也祝之二豆一俎養者之二豆清四爵也其在外面則所俎已設於堂下階南二佐食之薦俎本設於兩階閒悉徹之但尸俎所俎則出之爨以待執祝佐食之薦俎則當各設於其堂下之位其餘豆鉶諸物各歸其所以待撤滌室中尸祝主人主婦之祭亦掃而去之

埽堂司宮攝酒乃爇尸俎卒爇乃升羊豕魚三鼎無腊與膚乃

設扃鼎陳鼎于門外如初

埽索到反攝書摺反爇音尋扃古熒反鼎茫狄反

埽堂將賓尸更新之也攝酒更澆洗添益之爇溫熱之凡可爇者皆爇之乃可食也無腊與膚無專鼎耳

右新堂及俎鼎

乃議侑于賓以異姓宗人戒侑侑出俟于廟門之外

議擇也擇賓之賢者而侑尸蓋尸同姓必以異姓人爲侑侑佑也所以輔尸如鄉飲有賓必有介戒告也告之使爲侑其

人出俟於廟門之外當與尸更入也

右立侑

司宮筵于戶西南面又筵于西序東面只與侑北面于廟門之外西上主人出迎只宗人擯主人拜尸答拜主人又拜侑侑答拜主人揖先入門右尸入門左侑從亦左揖乃讓主人先升自

昨階尸侑升自西階西楹西北面東上主人東楹東北面拜至尸答拜主人又拜侑侑答拜

司宮爲尸布席於尸西爲侑布席於西序尸與侑北面若不
敢當賓者然以尊大夫正祭不迎尸尸尊也此出迎賓之主
人先入導尸尸入侑從
揖讓而升拜至喜之也

右迎尸與侑

乃舉司馬舉羊鼎司士舉豕鼎舉魚鼎以入陳鼎如初雍正執
一匕以從雍府執二匕以從司士合執二俎以從司士贊者亦
合執二俎以從匕皆加于鼎東枋二俎設于羊鼎西西縮二俎
皆設于二鼎西亦西縮雍人合執二俎陳于羊俎西竝皆西縮
覆二疏匕于其上皆縮俎西枋覆芳屋反
下竝同

舉舉鼎也如初如昨階下西面北上敖氏曰一匕羊匕也二
匕豕魚匕也四俎乃尸侑主人主婦之羊俎也設之亦北上

如鼎之序然其載之也亦先北而後南御案大夫之祭以羊爲上牲故以少牢名篇此賓尸諸品皆統於羊故羊鼎羊匕羊俎及舉之執之設之者皆先於豕與魚李氏如圭曰四俎皆載羊體之正俎而分陳之縮順也雍人合執二俎爲益送之俎蔬匕匕柄有刻飾者覆之避廬縮俎西柄爲縮執俎者在西也

右陳設鼎俎

主人降受宰几尸侑降主人辭尸對宰授几主人受一手橫執几揖尸主人升尸侑升復位主人西面左手執几縮之以右袂推拂几三二手橫執几進授尸于筵前尸進二手受于手閒主人退尸還几縮之右手執外廉北面奠于筵上左之南縮不坐主人東楹東北面拜尸復位尸與侑皆北面答拜

還音旋

几坐而憑之以爲安者主人降受宰几尸侑亦降主人辭其降尸對以當然主人執几揖尸就位主人升尸侑皆升復位主人左手執几以右手推几就其位以右袂拂塵進授尸几主人二手執几兩端尸併二手執几中閒受之主人退復位

尸還而易執之左之筵左不坐不坐而奠几也
主人於東楹東北面拜送几尸拜俯從尸亦拜

右授几

主人降洗尸侑降尸辭洗主人對卒洗揖主人升尸侑升尸西
楹西北面拜洗主人東楹東北面奠爵答拜降盥尸侑降主人
辭尸對卒盥主人揖升尸侑升主人坐取爵酌獻尸尸北面拜
受爵主人東楹東北面拜送爵

敖氏繼公曰辭對之儀見鄉飲酒禮故此略之揖亦主人揖尸文省耳下放此獻受之儀亦當如鄉飲酒禮

右主人獻尸

主婦自東房薦韭菹醢坐奠于筵前菹在西方婦贊者執昌菹
醢以授主婦主婦不興受陪設于南昌在東方興取遷于房醢
贊坐設于豆西當外列麴在東方婦贊者執白黑以授主婦主

婦不與受設于初邊之南白在西方興退

趙芳中反黃扶云反

鄭康成曰昌昌本也非菹醢醢昌本麋也麋熟麥也黃麻實白稻黑黍皆熬之主婦親興取邊者敬邊實也當外列辟錫也退入房李氏如圭曰先獻後薦異於祭也陪設重列之也四豆四邊放室中之數

右主婦薦豆邊

乃升司馬牝羊亦司馬載載右體肩臂肫骼臠正脊一脰脊一橫脊一短脊一正脅一代脅一腸一胃一祭肺一載于一俎羊肉湑臠折正脊一正脅一腸一胃一齊肺一載于南俎司士牝豕亦司士載亦右體肩臂肫骼臠正脊一脰脊一橫脊一短脊一正脅一代脅一膚五齊肺一載于一俎

臠音諄

升升牲體於俎也司馬家司馬舉羊肫載羊皆司馬職之特於此見之耳上言焚尸俎蓋所俎神俎皆在其中其在俎者與正祭略同惟臠後於肫為異蓋折之以貶於神俎且以所折者為肉湑俎也脊脊皆一骨腸胃各一義亦如之一俎司

士所設羊俎西第一俎肉清肉在汁中者以增俎實為尸加也。膾肺離肺也。南俎雍人所設在南者。司士即舉豕鼎者。司士柁豕謂豕胛也。凡升豕皆司士為之。豕無正俎故尸俎之體骨皆放於羊俎。此俎與羊肉清俎同。亦南俎。

侑俎羊左肩左肫正脊一脅一腸一胃一切肺一載于一俎。侑豕左肩折正脊一脅一膚三切肺一載于一俎。

敖氏繼公曰。侑無羊肉清故羊俎得用二體。前體以肩後體以肫。尊之也。右體皆已入尸俎故皆用左羊俎。亦用祭肺者與尸俎同在堂上因其禮也。昨俎亦然。飲酒正禮祭以離肺其有以切肺者或有為加之或相因用之非常禮豕左肩不用全體為羊俎已用二體故於此殺之。此俎蓋次於尸俎。

昨俎羊肺一祭肺一載于一俎。羊肉清臂一脊一脅一腸一胃一膾肺一載于一俎。豕胛臂一脊一脅一膚三膾肺一載于一俎。

昨俎主人之俎無牲體下於尸也。用肺代之。肺尊於腸胃有兩肺以尊主人。侑俎無羊豕清而主人有之亦尊主人。臂左

臂也侑用肩主人用臂略下於侑此俎司士所設豕鼎鼎西俎

主婦俎羊左臠脊一脅一腸一胃一膚一齊羊肺一載于一俎

主婦無豕體而有豕膚以主人無羊體此亦不用豕體然有豕膚以見其可用而謙不用也有齊肺無祭肺下於侑此俎

司士所設在魚鼎西者

司士牝魚亦司士載尸俎五魚橫載之侑主人皆一魚亦橫載

之皆加臠祭于其上

臠火吳反

此總言載魚俎之法載時皆橫執之與羞之之時異臠祭剝魚時割其腹以爲大爵覆於其上以便祭也

右通言載俎之法

卒升賓長設羊俎于豆南賓降尸升筵自西方坐左執爵右取

韭菹揆于三豆祭于豆間尸取麴糝宰夫贊者取白黑以授尸

尸受兼祭于豆祭

長知丈反

卒升四羊俎皆升也於是賓長乃特設尸之羊俎於豆南以延尸賓降尸升坐左執爵右取韭菹祭於豆鬲又取醢黃宰夫取白黑以授尸尸受並祭於豆鬲

雍人授次賓疏匕與俎受于鼎西左手執俎左廉縮之卻右手執匕枋縮于俎上以東面受于羊鼎之西司馬在羊鼎之東二手執挑匕枋以挹漬注于疏匕若是者三

挑湯堯反一音由挹因入反

疏匕與俎在羊俎西之北雍人取以授次賓次賓受於鼎西身當俎之下端左手執俎左廉橫執俎卻右手執匕柄司馬以杼漬於器也三禮成於三也

尸興左執爵右取肺坐祭之祭酒興左執爵次賓縮執匕俎以升若是以授尸尸卻手受匕枋坐祭嚼之興覆手以授賓賓亦覆手以受縮匕于俎上以降尸席末坐啐酒興坐奠爵拜告旨執爵以興主人北面于東楹東答拜

尸祭肺祭酒與左執爵次賓執匕俎以升授尸尸卻手受匕柄坐祭齊之而與授賓賓受縮匕於俎上以降尸又啐酒與

莫爵告旨
主人答拜

司馬羞羊肉清縮執俎尸坐奠爵興取肺坐絕祭齊之興反加于俎司馬縮奠俎于羊清俎南乃載于羊俎卒載俎縮執俎以

降羊清俎清字從楊敖作衍文

楊氏復曰正俎皆橫執橫莫加俎皆縮執縮莫敖氏繼公曰縮執俎者既載則錯而改執之也御案清字楊氏敖氏以爲衍文蓋羊清俎賓既以之降矣不宜復有俎在也

尸坐執爵以興次賓羞羊燔縮執俎縮一燔于俎上鹽在右尸左執爵受燔煑于鹽坐振祭齊之興加于羊俎賓縮執俎以降尸降筵北面于西楹西坐卒爵執爵以興坐奠爵拜執爵以興主人北面于東楹東答拜主人受爵尸升筵立于筵末

羊燔別爲一俎
筵末席西也

右終主人獻尸之禮

主人酌獻侑侑西楹西北面拜受爵主人在其右北面答拜

獻尸訖卽獻侑亦於席前西南面侑既拜則進受之以復位主人既拜則立於西階東及侑降筵北面則復就其右

主婦薦韭菹醢坐奠于筵前醢在南方婦贊者執二邊麴蕡以授主婦主婦不興受之奠麴于醢南蕡在麴東主婦入于房

敖氏繼公曰醢在南方是豆北上也北上者以席南上也主婦薦豆而贊者卽贊邊者兩豆兩邊同時設故不必親取邊

侑升筵自北方司馬橫執羊俎以升設于豆東侑坐左執爵右取菹揆于醢祭于豆閒又取麴蕡同祭于豆祭興左執爵右取肺坐祭之祭酒興左執爵次賓羞羊燔如尸禮侑降筵自北方北面于西楹西坐卒爵執爵以興坐奠爵拜主人答拜

御案侑與主婦之正俎皆司馬設之者侑不可同於尸主婦不可同於主人不敢煩賓長也設於豆東在兩豆之東一俎當二豆兩邊在其南敖氏繼公曰凡正俎皆橫執之此乃言者恐以爲司馬進之亦縮執也主人答拜拜於侑之右
右主人獻侑

尸受侑爵降洗侑降立于西階西東面主人降自阼階辭洗尸坐奠爵于筐興對卒洗主人升尸升西階主人拜洗尸北面于西楹西坐奠爵答拜降盥主人降尸辭主人對卒盥主人升尸升坐取爵酌

尸受侑爵降而洗爵將酢主人主人辭洗尸對以當然竟洗卒洗主人升階拜洗尸奠爵答拜又降盥主人亦降尸辭其降主人對以當然卒盥主人升尸升坐取爵而酌之

司宮設席于東序西面主人東楹東北面拜受爵尸西楹西北面答拜

司宮設尸酢主人之席既設席尸乃於席前東南面酢主人主人拜受爵復位

主婦薦韭菹醢坐奠于筵前菹在北方婦贊者執二邊醢贊主婦不興受設醴于菹西北蕢在醴西主人升筵自北方主婦入于房長賓設羊俎于豆西主人坐左執爵祭豆邊如侑之祭興左執爵右取肺坐祭之祭酒興次賓羞匕涪如尸禮席末坐啐酒執爵以興司馬羞羊肉涪縮執俎主人坐奠爵于左興受肺坐絕祭齊之興反加于涪俎司馬縮奠涪俎于羊俎西乃載之卒載縮執虛俎以降

尸酢主人就主人之酒饌爲之故主婦長賓次賓司馬等皆代尸陳設

主人坐取爵以興次賓羞燔主人受如尸禮主人降筵自北方北面于阼階上坐卒爵執爵以興坐奠爵拜執爵以興尸西楹

西答拜主人坐奠爵于東序南

賈氏公彥曰燔卽羊燔以主人與尸侑皆用羊體主婦獻尸以後悉用豕體賓長獻尸以後悉用魚從是以知主人之燔也

侑升尸侑皆北面于西楹西主人北面于東楹東再拜崇酒尸侑皆答再拜主人及尸侑皆升就筵

尸酢主人並崇酒主人拜之侑亦答拜者佐尸酢主人也崇酒解見鄉飲酒禮

右尸酢主人

司宮取爵于篚以授婦贊者于房東以授主婦

授主婦婦贊者受爵於司宮以授主婦於房中也房東房戶外之東

主婦洗于房中出實爵尊南西面拜獻尸尸拜于筵上受主婦西面于主人之席北拜送爵入于房取一羊鉶坐奠于韭菹西

主婦贊者執豕鉶以從主婦不興受設于羊鉶之西興入于房

取糗與醑脩執以出坐設之糗在蕢西脩在白西興立于主人

席北西面糗去九反服丁亂反本又作段音同

主婦不可拜獻尸于阼階上故就尊西面拜獻尸退就主人席北又拜婦人使拜也尸不與婦人行賓主禮不就東西階故拜於筵上羊鉶豕鉶皆祭之餘糗與脩脩則婦人之職取以獻尸異男子也

尸坐左執爵祭糗脩同祭于豆祭以羊鉶之柶扱羊鉶遂以扱

豕鉶祭于豆祭祭酒

尸受爵時立至此乃坐先祭糗脩重其自致者次祭羊鉶豕鉶

次賓羞豕匕清如羊匕清之禮尸坐啐酒左執爵嘗上鉶執爵

以興坐奠爵拜主婦答拜執爵以興司士羞豕脣尸坐奠爵興

受如羊肉清之禮坐取爵興次賓羞豕燔尸左執爵受燔如羊

燔之禮坐卒爵拜主婦答拜受爵

敖氏繼公曰如者如其左手執俎左廉以下之儀上錫羊釂也尸嘗錫而拜主婦答拜司士又進豕胥尸亦嘗之而拜主婦答拜次賓又進豕燔尸受而卒爵拜主婦答拜尸莫爵主婦受之其授受則司士等爲之不言可知也

右主婦獻尸

酌獻侑侑拜受爵主婦主人之北西面答拜主婦羞糗脩坐奠糗于黽南脩在蕢南侑坐左執爵取糗脩兼祭于豆祭司士縮執豕胥以升侑興取肺坐祭之司士縮奠豕胥于羊俎之東載于羊俎卒乃縮執俎以降侑興次賓羞豕燔侑受如尸禮坐卒爵拜主婦答拜受爵

主婦酌獻無尊南之拜無錫豕胥無滄皆禮殺於尸也北席北尸祭錫乃祭酒此無錫故不祭酒肺切肺如尸禮如受羊燔之禮

右主婦獻侑

酌以致于主人主人筵上拜受爵主婦北面于阼階上答拜主婦設二鉶與糗脩如尸禮主人其祭糗脩祭鉶祭酒受豕匕啐酒皆如尸禮嘗鉶不拜其受豕膋受豕燔亦如尸禮坐卒爵拜主婦北面答拜受爵

特牲饋食禮主人主婦交致爵所以分神惠也此賓尸而亦交致爵蓋祭者夫婦親之以明承于宗祧之義今賓尸而尸享之以爲神嘏當其受也

右主婦致爵于主人

尸降筵受主婦爵以降主人降侑降主婦入于房主人立于洗東北西面侑東面于西階西南尸易爵于篚盥洗爵主人揖尸侑主人升尸升自西階侑從主人北面立于東楹東侑西楹西

北面立尸酌主婦出于房西面拜受爵尸北面于侑東答拜主婦入于房司宮設席于房中南面主婦立于席西婦贊者薦韭菹醢坐奠于筵前菹在西方婦人贊者執醢以授婦贊者婦贊者不興受設醢于菹西黃在醢南主婦升筵司馬設羊俎于豆南主婦坐左執爵右取菹捩于醢祭于豆閒又取醢兼祭于豆祭主婦奠爵興取肺坐絕祭啐之興加于俎坐捩手祭酒啐酒次賓羞羊燔主婦興受燔如主人之禮主婦執爵以出于房西面于主人席北立卒爵執爵拜尸西楹西北面答拜主婦入立于房尸主人及侑皆就筵

尸降筵將酢主婦主婦入於房以辟之主人與侑降立以俟尸洗尸洗而易爵盥洗爵主人揖尸與侑升皆升主人與侑立俟尸酌尸酌主婦出房拜受爵尸答拜主婦仍入於房司宮設席於房中婦贊者薦韭菹醢又一婦人執醢以授婦

贊者而婦贊者設之主婦升筵司馬設羊俎主婦執爵祭菹
及羞贊奠爵興絕肺以祭而濟之興置於俎坐而執手又祭
酒卒酒次賓羞羊俎主婦興而受之如主人禮既乃執爵出
房鄭尸立而卒爵拜賜尸答拜主婦入於房立不就筵也

右尸酢主婦

上賓洗爵以升酌獻尸尸拜受爵賓西楹西北面拜送爵尸奠
爵于薦左賓降

上賓賓長也尸
奠爵爵止也

右上賓獻尸尸爵止

主人降洗觶尸侑降主人奠爵于篚辭尸對卒洗揖尸升侑不
升主人實觶酬尸東楹東北面坐奠爵拜尸西楹西北面答拜
坐祭遂飲卒爵拜尸答拜降洗尸降辭主人奠爵于篚對卒洗
主人升尸升主人實觶尸拜受爵主人反位答拜尸北面坐奠

爵于薦左，尸侑主人皆升筵。

特牲饋食禮無酬尸之事。此賓尸如與賓客飲酒，故有酬侑。不升酬禮不及之也。迄，主人酬尸。尸拜奠爵，乃就筵本俎也。而云爵通用。

右主人酬尸，尸奠酬。

乃羞宰夫，羞房中之羞。于尸侑主人主婦皆右之。司士羞庶羞于尸侑主人主婦皆左之。

敖氏繼公曰：房中之羞，饌於房者也。言房中以別於庶羞。明庶羞不自房來也。庶羞在左，乃其常處。庶羞左則內羞右宜矣。

右羞于尸侑主人主婦。

主人降，南面拜。眾賓于門東三拜。眾賓門東北面皆答壹拜。主人洗爵，長賓辭。主人奠爵於筐，與對卒洗升酌獻賓于西階上。

長賓升拜受爵主人在其右北面答拜宰夫自東房薦脯醢醢
在西司士設俎于豆北羊骼一腸一胃一切肺一膚一賓坐左
執爵右取脯揆于醢祭之執爵興取肺坐祭之祭酒遂飲卒爵
執以興坐奠爵拜執爵以興主人答拜受爵賓坐取祭以降西
面坐委于西階西南宰夫執薦以從設于祭東司士執俎以從
設于薦東

賓助祭賓也故主人降拜之而尸侑不
從拜之將獻之也司士大夫之私人

右主人獻長賓

眾賓長升拜受爵主人答拜坐祭立飲卒爵不拜既爵宰夫贊
主人酌若是以辯辯受爵其薦脯醢與胾設於其位其位繼主
賓而南皆東面其背體儀也今文若爲如辯爲
偏儀爲膳或爲議

獻賓長以次升而受獻惟賓拜其餘不拜宰夫贊主人酌辯
獻賓賓徧受爵宰夫乃薦脯醢與胾設於其位饌請擬其可
用者而用之若尊者用尊體卑者用卑體

右主人辯獻眾賓

乃升長賓主人酌酢于長賓西階上北面賓在左主人坐奠爵
拜執爵以興賓答拜坐祭遂飲卒爵執爵以興坐奠爵拜賓答
拜賓降

升賓升酢主人也云乃升者贊者升之也主人酌而自
酢不勞賓酌賓降降復位也賓復位則主人亦就席

右主人自酢

宰夫洗觶以升主人受酌降酬長賓于西階南北面賓在左主
人坐奠爵拜賓答拜坐祭遂飲卒爵拜賓答拜主人洗賓辭主
人坐奠爵于篚對卒洗升酌降復位賓拜受爵主人拜送爵賓

西面坐奠爵于薦左。

主人先自飲洗爵而後酬賓薦左薦北也

右主人酬賓

主人洗升酌獻兄弟于阼階上兄弟之長升拜受爵主人在其右答拜坐祭立飲不拜既爵皆若是以辯辯受爵其位在洗東西面北上升受爵其薦胥設于其位其先生之胥折胥一膚一其眾儀也

兄弟長幼不一主人洗升酌以致恭長兄弟一人升拜受爵以次而辯其位在洗東受爵則由此而升所薦之胥設於其位先生長兄弟胥卽俎也先生用折俎一胥一膚其眾則儀而用之

右主人獻兄弟

主人洗獻內賓于房中南面拜受爵主人南面于其右答拜坐

祭立飲不拜既爵若是以辯亦有薦胥

主人洗爵獻內賓於房中內賓姑姊妹及宗婦等亦設胥於其位

右主人獻內賓

主人降洗升獻私人于阼階上拜于下升受主人答其長拜乃降坐祭立飲不拜既爵若是以辯宰夫贊主人酌主人于其羣私人不答拜其位繼兄弟之南亦北上亦有薦胥主人就筵

私人家臣之屬皆助祭者故主人敬而獻之亦降洗爵唯答其長之拜於其羣私人不拜

右主人獻私人

尸作三獻之爵司士羞清魚縮執俎以升尸取膾祭祭之祭酒卒爵司士縮奠俎于羊俎南橫載于羊俎卒乃縮執俎以降尸奠爵拜三獻北面答拜受爵

上賓舉三獻因日上賓爲三獻主人畢獻而就筵三獻於是
升立于西階上尸乃舉爵上文尸已奠爵此後舉之故云作
御案賓尸三鼎羊爲上鼎主人初獻羞之豕爲中鼎主婦
亞獻羞之魚爲下鼎故賓三獻之節羞之也尸既祭酒卒爵
待執俎者降而後奠爵拜

右尸作止爵

酌獻侑侑拜受三獻北面答拜司馬羞清魚一如尸禮卒爵拜
三獻答拜受爵酌致主人主人拜受爵三獻東楹東北面答拜

司士羞一清魚如尸禮卒爵拜三獻答拜受爵

司馬當作司士

賓三獻而尸爵止待主人獻賓獻兄弟及內賓私人等
既辯而後自作止爵俾賓得終獻侑及致主人之禮

右上賓獻侑致于主人

尸降筵受三獻爵酌以酢之三獻西楹西北面拜受爵尸在其
右以授之尸升筵南面答拜坐祭遂飲卒爵拜尸答拜執爵以

降實于篚

尸受三獻致主人之爵酌以酢賓賓拜受祭酒遂飲卒爵拜尸答拜執爵降實於篚

右尸酢上賓

二人洗解升實爵西楹西北面東上坐奠爵拜執爵以興尸侑答拜坐祭遂飲卒爵執爵以興坐奠爵拜尸侑答拜皆降洗升酌反位尸侑皆拜受爵舉解者皆拜送侑奠解于右

二人舉解於尸與侑爲旅酬之始上文主人酬尸以終獻禮而不酬侑侑殺於賓也茲將旅酬則二人舉解於尸並及侑又以見侑之尊次於尸也二人賓弟子也而尸侑於其舉解必拜降敬也舉解者自飲而更洗爵升酌乃反位尸侑皆拜受而侑獨莫解不舉者遂尸也

右二人舉解于尸侑

尸遂執觶以興北面于阼階上酬主人主人在右坐奠爵拜主

人答拜不祭立飲卒爵不拜既爵酌就于阼階上酬主人主人拜受爵尸拜送尸就筵

尸執觥以興於阼階上酬主人奠爵而拜將自飲以酬主人也自飲卒爵酬主人主人拜受爵尸遂就筵

主人以酬侑于西楹西侑在左坐奠爵拜執爵興侑答拜不祭立飲卒爵不拜既爵酌復位侑拜受主人拜送主人復筵

主人以弟子所舉之觥酬侑亦自飲卒爵而後酬侑侑拜受爵主人拜送爵復筵

乃升長賓侑酬之如主人之禮至于眾賓遂及兄弟亦如之皆飲于上

升長賓贊者升之侑先酬上賓次及眾賓兄弟皆如主人之禮上西階

遂及私人拜受者升受下飲卒爵升酌以之其位相酬辯卒飲者實爵于篚

侑酬長賓眾賓兄弟兄弟乃酬私人等私人升受兄弟之爵下而飲卒爵升酌私人又共相酬辨未受酬者實爵於篚

右旅酬

乃羞庶羞于賓兄弟內賓及私人

羞以佐酒上文旅酬各酌以爵既酬之後各就筵故須羞也羞於內賓內賓亦旅酬可知

右羞於堂下及房中

兄弟之後生者舉觶于其長洗升酌降北面立于阼階南長在左坐奠爵拜執爵以興長答拜坐祭遂飲卒爵執爵以興坐奠爵拜執爵以興長答拜洗升酌降長拜受于其位舉爵者東面答拜爵止

後生年少者長在坐舉觶者在主人之右也舉觶者亦先自飲而後洗酌舉觶於其長

右兄弟子弟舉觶于其長爵止奠于右也

賓長獻于尸如初無涪爵不止

次賓亦稱賓長爲尸加爵復獻於尸如初如其獻侑爵致主人受尸酢也涪涪魚唯無涪爵不止異於初也

右次賓獻致

賓一人舉爵于尸如初亦遂之于下

敖氏繼公曰賓一人次賓之次者也舉爵卽舉解如初如二人舉解於尸侑之儀其異者不及侑耳亦遂之於下遂及兄弟下至於私人

右賓一人舉解于尸遂旅酬

賓及兄弟交錯其酬皆遂及私人爵無算

鄭康成曰長賓取解酬兄弟之黨長兄弟取解酬賓之黨惟己所欲無有次第之數也

右堂下相酬無算爵

尸出侑從主人送于廟門之外拜尸不顧拜侑與長賓亦如之

眾賓從司士歸尸侑之俎主人退有司徹

拜送尸於廟門外賓之也從從長賓主人不拜之
歸尸侑之俎於其家尊之也徹徹堂上下之薦俎

右尸出禮畢

若不賓尸則祝侑亦如之

御案正祭在室賓尸在堂若不賓尸則尸猶未出室而主人主婦與尸祝佐食賓及兄弟私人獻酬交錯愚按不賓尸蓋尊尸而不敢以之爲賓但自祝侑以下獻酬以明和樂之意亦如之如尸七飯禮

尸食八飯乃盛俎臠膋肫脊橫脊短脅代脅皆牢魚七腊辨

無髀

盛音成下同
古文髀作脾

尸食祝既侑而尸又食也賓尸七飯今八飯以其尊已故加一飯以慰其情盛更爇之而盛於所俎也魚腊皆盛其半以牢之骨體已多此可略也辨辨盛右體也

卒盛乃舉牢肩尸受振祭瘠之佐食受加于所佐食取一俎于

堂下以入奠于羊俎東乃攄于魚腊俎俎釋三个其餘皆取之

實于一俎以出祝主人之魚腊取于是

攄之益反个古質反今文攄爲攄

先盛眾體乃舉肩貴肩也佐食又取堂下一虛俎入室个猶攄也郝氏敬曰攄分取也魚腊各留三个於本俎待改設其餘盡取之以出室也祝主人主婦之俎即分尸俎之魚以入焉

尸不飯告飽主人拜脩不言尸又三飯佐食受牢舉如儻飯反

儻臂印反一音賓下竝同

尸食而告飽主人當拜之而拜脩者尊尸拜脩以達於尸勸其再飯也故不言而尸又三飯佐食受牢舉肺脊如賓尸之禮不言實而言儻者謂儻於尸耳

右不賓尸而尸食之禮

主人洗酌醕尸賓羞肝皆如儻禮卒爵主人拜祝受尸爵尸答拜

尸既食主人又洗酌脩尸賓進肝如儻
禮尸卒爵祝受尸爵尸答主人之拜

右主人酌尸

祝酌授尸尸以醋主人亦如儻其綏祭其嘏亦如儻

醋酢同綏古文作授

儻禮有成交故此均言如儻省文耳綏讀爲藏其隋之隋

右尸酢主人

其獻祝與二佐食其位其薦胥皆如儻

主人獻祝與脩食其位其薦胥皆如儻賈氏公彥曰此主人獻有五節主人獻尸一也酌主人二也獻祝三也獻上佐食四也獻下佐食五也

右主人獻祝與二佐食

主婦其洗獻于尸亦如儻主婦反取籩于房中執棗糗坐設之棗在稷南糗在棗南婦贊者執栗脯主婦不興受設之栗在糗

東脯在棗東主婦興反位尸左執爵取棗糗祝取栗脯以授尸
尸兼祭于豆祭祭酒啐酒次賓羞牢燔用俎鹽在右尸兼取燔
梗于鹽振祭啐之祝受加于胙卒爵主婦拜祝受尸爵尸答拜
洗獻尸如饋謂拜送爵以上之禮栗脯加
邊之實也反位反主人之北拜送爵位

右主婦獻尸

祝易爵洗酌授尸尸以醋主婦主婦主人之北拜受爵尸答拜

主婦反位又拜上佐食綏祭如饋卒爵拜尸答拜今文醋
爲酢

御案主婦當夾爵拜而受酢
不爾以有兩番獻故於酢略之

右尸酢主婦

主婦獻祝其酌如饋拜坐受爵主婦主人之北答拜宰夫薦棗
糗坐設棗于菹西糗在棗南祝左執爵取棗糗祭于豆祭祭酒

啐酒次賓羞燂如尸禮卒爵主婦受爵酌獻二佐食亦如賓主婦受爵以入于房

御案如賓同上篇正祭亞獻兄弟之儀祝饌於尸故主婦不自取遽宰夫薦之祝既卒爵主婦受爵而酌獻二佐食御案如賓如正祭主婦之獻佐食亦酌獻之於戶內佐食北面拜坐受爵主婦西面答拜祭酒卒爵而坐授主婦也

右主婦獻祝與二佐食

賓長洗爵獻于尸尸拜受賓戶西北面答拜爵止

賓長洗獻尸尸拜受賓答拜尸於是奠爵而不舉以待主人主婦之交致爵

右賓長獻尸爵止

主婦洗于房中酌致于主人主人拜受主婦戶西北面拜送爵司宮設席主婦薦韭菹醢坐設于席前菹在北方婦贊者執棗糗以從主婦不興受設棗于菹北糗在棗西佐食設俎臂脊脅

肺皆牢，膚三魚一，腊臂，主人左執爵，右取菹，揄于醢，祭于豆間，遂祭邊，奠爵興，取牢肺，坐絕祭，臠之，興加于俎，坐扱手，祭酒執爵以興，坐卒爵拜。

敖氏繼公曰：設席於主人立處之南，腊臂皆左臂，右臂已用之。

主婦答拜，受爵酌以醋，戶內北面拜，主人答拜，卒爵拜，主人答拜，主婦以爵入于房。

主婦自酢，不更爵，夫婦無嫌也，主人不致爵於主婦，禮殺。

右主婦致爵于主人，自酢。

戶作止爵，祭酒，卒爵，賓拜，祝受爵，戶答拜，祝酌授戶，賓拜，受爵，戶拜，送坐祭，遂飲，卒爵拜，戶答拜。

戶舉所止之爵，祭酒，卒爵，將酢賓，故賓拜，祝代受爵，戶答拜，祝酌授戶，賓拜，受爵，戶拜，送賓，遂祭飲，卒爵拜，戶答拜。

右尸作止爵酢賓

獻祝及二佐食

賓長於是獻祝與佐食不言如初可知也

右賓長獻祝與二佐食

洗致爵于主人主人席上拜受爵賓北面答拜坐祭遂飲卒爵拜賓答拜受爵

賓洗爵致於主人主人飲卒爵拜賓答拜受爵云席上拜受爵見主人自有席異於主婦也

酌致爵于主婦主婦北堂司宮設席東面主婦席北東面拜受爵賓西面答拜婦贊者薦韭菹醢菹在南方婦人贊者執棗糗授婦贊者婦贊者不興受設棗于菹南糗在東東佐食設俎于豆東羊臠豕折羊脊脅祭肺一膚一魚一腊臠主婦升筵坐左

執爵右取菹，揆于醢，祭之。祭邊奠爵，興取肺，坐絕祭，膾之，興加于俎，坐揔手，祭酒，執爵興，筵北東面立。卒爵拜，賓答拜，賓受爵，易爵于篚，洗酌，醋于主人，戶西北面拜，主人答拜。卒爵拜，主人答拜，賓以爵降，奠于篚。

主婦本無席，賓長將致爵而設之。賓致爵，主婦拜受。薦韭菹，醢設俎皆前取於所據者。棗、棣、栗則主婦房中所自。有主婦立飲而拜，既爵異於主人。賓既致爵，主婦易爵洗酌，復酢主人拜送爵。主人答拜。卒爵拜，主人答拜。賓以爵降，奠於篚。

右賓長致于主人主婦

乃羞宰夫，羞房中之羞。司士羞庶羞于戶，祝主人主婦，內羞在右，庶羞在左。

御案內羞庶羞解見賓戶賓戶之禮羞於侑不賓戶則羞於祝

右羞于戶祝主人主婦

主人降拜眾賓洗獻眾賓其薦胥其位其酬醋皆如饋禮主人洗獻兄弟與內賓與私人皆如饋禮其位其薦胥皆如饋禮卒乃羞于賓兄弟內賓及私人辯

將進羞而先獻主人之禮也卒謂獻畢乃羞庶羞也

右主人先獻眾賓兄弟等而後羞

賓長獻于尸尸醋獻祝致醋賓以爵降實于筐

賈氏公彥曰上賓長已獻尸此是次賓長爲加爵致致爵於主人主婦使酢也

右次賓獻致

賓兄弟交錯其酬無算爵

賓兄弟旅酬亦當是子弟舉解於其長無算爵則辯也

右旅酬無算爵

利洗爵獻于尸尸醋獻祝祝受祭酒啐酒奠之

利佐食也不及主人殺也

右利獻尸祝

主人出立于阼階上西面祝出立于西階上東面祝告於主人

曰利成祝人主人降立于阼階東西面尸謖祝前尸從遂出于

廟門祝反復位于室中祝命佐食徹尸俎佐食乃出尸俎于廟

門外有司受歸之徹阼薦俎

賈氏公彥曰士禮既餞乃徹阼俎此餞前徹阼俎

右尸出禮畢

乃養如賓養餞同

鄭康成曰如賓謂上篇自司設對席至上餞興出也

右養

卒養有司官徹饋饌于室中西北隅南面如饋之設右几屏用

席納一尊于室中司宮埽祭屏附胃反古文右作侑屏作莩

有司官徹饋者司馬舉羊俎司士舉豕俎敦及豆始為主婦宗婦所設此亦命宰夫徹之埽祭埽豆閒之祭納一尊於室

中不徹待婦人徹

主人出立于阼階上西面祝執其俎以出立于西階上東面司

宮闔牖戶祝告利成乃執俎以出于廟門外有司受歸之眾賓

出主人拜送于廟門外乃反婦人乃徹徹室中之饌

歸俎蓋歸賓長乃徹徹祝之薦及房中薦俎室中之饌即有司所徹而設者

右禮畢

總論

子孫祭其祖先報本追遠禮之當然亦仁人孝子將其思慕天理之自然也古人適士以上始有廟而又有宗法無廟者豈遂不得盡其誠有廟者四時薦新及隨時豈遂不得盡其禮乎蓋五祀皆於奧奧卽廟也自士以上禴祠蒸嘗必於廟而隨時薦馨則於寢於奧不必設尸此書載特牲饋食少牢饋食士大夫之祭禮而以饋食名篇事死如生之義未爲失也獨其載器物及周旋進退之儀頗傷於繁而賓尸之禮尤多不協旣祭之後繹而賓尸蓋以酬其勞而亦不得盡同於賓謂其爲尸也鳧鷖之詩曰公尸來止薰薰旨酒欣欣燔炙芬芬又曰爾酒旣曄爾殽伊脯喜其來隆其禮似燕公尸者酒殽不必猶用尸俎且賓尸則敬專在於尸而必旅酬尸賓

亦紛紛酬酢詩中竝無此意古凡飲食必有樂而祭與燕尤以樂爲貴此書所記繁文縟節甚詳而於樂不言蓋戰國以後先王之禮樂亦已凌遲行禮者襲春秋繁文之失鋪張揚厲作爲此書今試卽其文而行之勢必煩勞不得安息所謂燕樂之意微矣考之經籍惟鄉飲酒主於教弟教讓不以醉飽爲節祭祀亦必皇尸醉飽賓尸何繁瑣若此乎姑隨文詰之俟高明擇焉

儀禮恆解卷之十六終